

„Droschak“

ORGANE

de la Fédération

Révolut. Arménienne.

ԴՐՈՇԱԿ

Adresse:

REDACTION DU JOURNAL

„Droschak“

GENÈVE (Suisse)

„ՀԱՅ ՅԵՂԱՓՈԽԱԿԱՆ ԴԱՂՆԱԿՑՈՒԹԵԱՆ“ ՕՐԳԱՆ

ՄԻՈՒԹԻՒՆ ԹԻՒՐԳԵՐԻ ՀԵՏ

Ներկայ խնդրի մասին խօսելու մեզ առիթ է տալիս „Դրոշակի“ նախընթաց համարում տպագրած Տամատ Մահմուդ փաշայի նամակը, որ հայերին ուղղած մի ընդհանուր կոչ է՝ միանալու թիւրքերի հետ: Մենք յարմար ենք համարում այդ նամակի առիթով յայտնել մեր կարծիքները նաև ընդհանրապես բոլոր թիւրք հակա-թուրքական կամ՝ աւելի ճիշդն ասած՝ հակահամիդական տարրերի մասին, որովհետև չնայելով այն բոլոր տարբերութիւններին և երբեմն նոյնիսկ փոխադարձ թշնամական յարաբերութիւններին, որ գիտում են դրանց մէջ, այդ տարբերը բոլորն էլ վերջին ժամանակներս, մեծ համերաշխութիւն են արտայայտում, երբ հարցը գալիս է հայերի հետ միանալու խնդրին:

Կար ժամանակ, որ մենք էինք թիւրքերին անդադար միացած կռիւի հրահրում և զարմանում նրանց անտարբերութեան վրայ դէպի Տաճկաստանի ընդհանուր ողբալի վիճակը: Կար ժամանակ, որ մենք էինք նրանց բացատրում մարդկային ամենալայն գաղափարներով ներշնչած մեր ծրագիրը, որպէսզի նրանք աներկիւղ մօտենան, հասկանան մեզ և աջակցեն ընդհանուր գործին: Կար վերջապես ժամանակ, որ ամէն անգամ, երբ մեր կոչերին արձագանք տուող ուէ՛ անկեղծ ձայն էինք լսում մեր թիւրք հայրենակիցների բանակից, մենք ամբողջ յօգաճներ էինք նւիրում „Դրոշակում“՝ այդ առիթներով մեր հրճաւնքը արտայայտելու համար: Իսկ այժմ... այժմ դերերը փոխւել են. այժմ „միութեան“ հրահրները անդադրում կերպով տեղում են թիւրքերի կողմից, և մենք ենք, որ չնայելով մեր ամենաբուռն համակրանքին դէպի սկզբունքը, այսօր տարաբախտաբար ստիպւած ենք անվճռողական դիրքի մէջ մնալ:

Պատճառը պարզ է: Չայնորը այնտեղից չեն լսում, որտեղից մենք վաղուց իվեր շարունակ սպասում ենք, և այն դիւթիչ ձայները չեն դրանք, որոնք ուժեր են կազդուրում, սրտեր են վառում, եղբայր եղբօրը ճանաչեցնում... Ինչպէս միութեան գաղափարը — այն գաղափարը, որ դեռ 10 տարի առաջ մենք ընտրել ենք իբրև հիմնական կէտ մեր ծրագրում — պահանջեց այսօրան տարիներ երիտասարդ թիւրքերի շրջաններում

ևս համակրութիւն գտնելու համար, երեւի նոյնպէս տարիներ կը պահանջեն մինչև որ կերագործւի այդ միութիւնը՝ ազգով տարբեր, բայց միևնոյն թշնամու դէմ կուող տարրերի մէջ:

„Միանա՛նք“ — գեղեցիկ միտք. բայց ո՞ւր հետ և ի՞նչպէս:

Հայ յեղափոխականները վաղուց են հրապարակի վրայ և վարում են արդէն այն կռիւը, որի անունով մեզ հրահրում են միանալ: Իսկ ո՞ւր են թիւրք-կուռըները... Մինչև այժմ մենք տեսանք անհատներ, խմբեր, թղթի պրօպագանդայով պարագողներ, բայց չտեսանք գործով կուռներ, գործի պրօպագանդիստներ: Կտրւած բուն տաճիկ ժողովրդից և յենաւած սակաւաթիւ թիւրք ինտելիգենցիայի մի աննշան մասի վրայ, երիտասարդ-թիւրքերը մնում են դեռ ևս „յեղափոխութիւնը իվերուստ“ հասկացող պոլիտիկաներ, թոյլ անկազմ և հետեւաբար դեռ ևս անգործ, խօսքի մարդիկ...

Խօսելու համար միանա՛նք:

Եւ երանի թէ գոնէ խօսքի պրօպագանդը տանէին դրանք այն ճշմարիտ ուղղութեամբ, որը համապատասխանում է տաճիկ ժողովրդի ժամանակակից կուլտուրական պահանջներին: Թերթեցէք երիտասարդ թիւրքերի հրատարակութիւնները, և դուք չէք գտնի նրանց մէջ ոչ մի կռիւ տաճիկական կեանքի այն ներքին կաշկանդիչ գործօններ, որ մենք՝ հայ ժողովրդի կեանքում չենք ինայել երբեք և հարւածել ենք ոչ պակաս քան արտաքին թշնամուն: — Մեր պատմութիւնը եւրօպականից բարձր է, մեր հաւատահամբերութիւնը աւելի — գրում է մէկը: — Չկայ Տաճկաստանում ոչ մի չարիք, որ աւելի մեծ չափերով գոյութիւն չունենար լուսաւորւած կոչող եւրօպայում — լրբաբար կրկնում է անգագար միւսը *): — Միակ չարիքը սուլթան

*) Օրինակի համար յիշենք այստեղ թէկուզ միմիայն ապագայ սուլթանական սենեկապետացունների բոյն՝ „Մէշվէրէթ“ լրագրի սեպտեմբեր ամսւայ համարի երկու յօդուածները — „Ինչո՞ւ“ և „Մեղաւոր են թէ՞ ոչ“: Այդ յօդուածներից առաջինում լրագիրը, իրեն յատուկ երկգիմի, ճիգլիթական ձեւերով զայրանում է այն բողոքի դէմ, որ բարձրացնում են եւրօպացիք ու եւրօպական լրագիրները Սպաղանքի կոտորածի առիթով և արդարացնում է իրողութիւնը հարցնելով՝ ինչո՞ւ Անգլիա և Ֆրանսիա կարող են Աֆրիկայում սպանութիւններ տեսել իսկ քիւրդը կամ տաճիկը իրենց երկրներում չեն

Համիդի անձնաւորութիւնն է և Տաճկաստանի քառորդ-
դարւայ ամբողջ տագնապը՝ միայն նրա քմահաճոյք-
ներն արդիւնք: Չի լինի Համիդը, և Տաճկաստանը կը
դառնայ օրինակելի երկիր, — ահա ինչ են միաբերան
կրկնում բոլոր երիտասարդ թիւրքերը, ահա զանազան
ձեւերով համեմած ինչ հոգեւոր սնունդ են մատակա-
րարում նրանք իրենց ժողովրդին, ընկճելով նրա ան-
սահման տգիտութեան առաջ, խոնարհելով նրա կոյր
աւանդապահութիւնների, կրօնական և այլ սպանիչ
նախապաշարմունքների դիմաց ու կամայականայ շոյե-
լով նրա հակակուտուրական հակումները...

Յրանց հետ միանա՞նք:

Անկասկած, հէնց այդ պրիմիտիւ աշխարհա-
հայեցող է բացատրում և այն երեւոյթը, որ
երիտասարդ թիւրքերը, մեծից սկսած մինչև փոքրը,
հայկական հարցի վերաբերմամբ միշտ ներշնչւած են
միևնոյն ոգով, այսինքն՝ հայկական հարցի համար, իբրև
միջազգային խնդրի համար, ոչ մի արդարացուցիչ հան-
գամանք չտեսնելու հակումներով, հայերի կրած սար-
սափները նրանց թշուառ գլխին փաթաթելու պատ-
րաստականութեամբ, հայկական կոտորածները ան-
ուղղակի ձեւերով արդարացնելու տրամադրութիւններով
և վերջապէս մի այնպիսի պահանջկոտութեամբ դէպի
մեզ, որ կարծես թիւրք ժողովուրդն է մեծապէս վնաս-
ւել հայերից և վերջիններս են, որ դեռ մի բան պար-
տական են նրան: Սա արդէն չարիքի գիտակցութիւն
չէ, սա մեր սպասած թարմ, գաղափարական հո-
սանքը չէ, սա «առանց խտրութեան կրօնի և ազգի»
խնդիրներ դնող և այդ խնդիրներով տանջող գոր-
ծիչների ընթացք չէ, այլ միմիայն թուլացող տաճ-
կական պետութեան քաղաքական արտաքին դիրքը պահ-
պանելու ճիգեր — ճիգեր, որոնք իբրև թէ անպատճառ
պահանջում են հայկական և ուրիշ հարցերի կա-
տարեալ չէզոքացումը Տաճկաստանում: Ահա սրանք,

կարող իրենց հասկացած ձեռով դադարտան կապել
հայ աւաղակների հետ: Երկրորդ յօդւածում «Մէշ-
վէրէթը» կրակ է թափում եւրօպացոց վրայ, որոնք
բողոքեցին թէ Իտալիայի հերոս Ենիս-փաշայի հալէպ
նահանգապետ նշանակելու դէմ և թէ Բիթլիսի զին-
ւորական հրամանատար Ալի-փաշայի դէմ, որ հեղինակ
եղաւ Սպաղանքի և ուրիշ գիւղերի կոտորածին:

«Սուլթանի և մանաւանդ ներքին գործոց նախա-
րարի պարտքն է՝ պաշտպանել իր պաշտօնեաների
պատիւը և օրինաւոր վարմունքը», — թելա-
դրում է լրագիրը և շարունակում — «Սպաղանքի
դէպքը տեղի ունեցաւ այն ժամանակ, երբ գերմա-
նական կայսրը հրամայում էր Չինաստան գնացող
իր զինւորներին ոչ մի գթութիւն ցոյց չտալ դէպի
նրանց, որոնք կը դիմագրեն զէնքով: Եթէ Ալի-փաշան
այս խօսքերը ուղղւած լինէին Ալի փաշային, նա իր
հերոսական գործերի համար վարձատրութիւն
կըստանար»:

այս մարդիկն են, որ այսօր միութեան ձեռք են մեկնում
մեզ: Եւ և՛ թէ մենք միշտ պատրաստ ենք ընդունել
այնպիսի ձեռքեր, որոնք ընդունակ կը լինեն հայերին
դիմելիս զգալ իրենց պատմական հրէշաւոր յանցանքը,
ամաչել և սոսկալ այն անօրինակ ոճիւրի դիմաց, որ կա-
տարւեց հայերիս վերաբերմամբ իրենց դժոխք երկրում
և իրենց ժողովրդի աչքի առաջ ելնել մենք պատրաստ
ենք ձեռք մեկնելու այնպիսի թիւրքերին, որոնք ամէն
րոպէ կը գիտակցեն հայ ժողովրդի անօրինակ դժբախ-
տութիւնը և քաղաքացիական համարձակութիւն կունե-
նան թէկունջ արարած խաբարի առաջ և ամէն հանգա-
մանքներում բարձրաձայն գոչելով՝ թէ այնպիսի մի սա-
տանայական կառավարութեան դէմ, ինչպիսին տաճ-
կականն է, հայերը իրաւունք ունեն և ունեն ինչ
միջոցների էլ ասես դիմելու — ապա այդ գիտակցու-
թիւնից և քաղաքացիական այդ զգացմունքից զուրկ
ձեռք մեկնողների դիմաց մենք կարող ենք միայն բացա-
կանել:

Ի՞նչպէս ընդունել այս ձեռքերը, որ ուզում են
միայն մեր ձայները խեղդել...

Եւ յետոյ: Երիտասարդ թիւրքերը կարող են ցոյց
տալ մի խումբ, որ ընդունակ լինէր մեզ հաւատ ներշնչել
դէպի իր բարոյական շոյնիսկ այն փոքրիկ գոր-
ծերում, ուր մենք միշտ կարող էինք համերաշխաբար
ընթանալ Բանի-բանի՝ շանտաժիստներ տեսնել մենք
ներկայումս գոյութիւն ունեցող բոլոր կուսակցութիւն-
ների, բոլոր խմբերի մէջ: Անուններ չտանք. դրանք շատ
լաւ յայտնի են մանաւանդ իրենց թիւրքերին: Միակ
հայը, Անմեղեան անունով, որ ոտով-գլխով յարել էր
«Մէշվէրէթի» խմբակին, նա էլ իր կարճատեւ թղթայ
գործունէութիւնը «Մէշվէրէթի» մթնոլորտում վերջա-
ցրեց կաշառւելով սուլթանից և վերադարձաւ Պօլիս
պաշտօնի: Դաւան է խոստովանել, որ երիտասարդ-թիւրք-
ութիւնը այժմ ապրուստ ձարելու, անձնական կարիէրա
ստեղծելու մի սինօնիմ է դարձել Եւրօպայում: Չկան
համոզւած մարդիկ, չկան անձնուրաց գործիչներ, չկան
բարոյական մաքուր բնազդների տիպարներ, որոնց հետ
միայն կարելի է կապել յեղափոխական կռւի տատաւ-
կոտ ճանապարհին...

Ո՞ւմ հետ միանա՞նք:

Իսկ ո՞րն է այն ծրագիրը, որ պէտք է համախմբէ տաճ-
կահայատակ բոլոր նեղուղ բոլոր դժգոհ ու բողոքող տար-
րերին. ի՞նչ պէտք է ընդունելի բողոքիս համար պար-
տաւորեցուցիչ ն պատակ և որոնք են այն միջոց-
ները, որ պէտք է հասցնեն մեզ մեր նպատակին:

«Հայ Յեղափոխական Պաշտակցութիւնը» — որի անու-
նից միայն իհարկէ մենք իրաւունք ունենք խօսելու — ընդ-
հանրացնելով Տաճկահայաստանի վերաբերեալ իր ծրա-
գիրը, կարող է առաջարկել համայն Տաճկաստանի հա-
մար մի կազմակերպութիւն, որը — միւս հաւասար

պայմաններում — անշուշտ ընդունակ է միացնել բոլորին: Դա ֆեդերատիվ (դաշնակցական) ուսման վարական կազմակերպութիւնն է, որի համաձայն տաճկահայաստան բոլոր ժողովուրդները կազմում են մի անխախտ ամբողջութիւն, բայց իւրաքանչիւրը իր ներքին, տեղական ինքնավարութեամբ: Երիտասարդ թիւրքերը դրա տեղ զննում են Միթհադ-փաշայի սահմանադրութիւնը՝ կարծելով, որ դա միանգամայն բաւարարութիւն կը տայ բոլոր տարրերի կուլտուրական պահանջներին:

Մենք իհարկէ այն տեսակ մտածողներիցը չենք, որոնք զանազանութիւն չեն գտնում սահմանադրական և միապետական կարգերի մէջ: Այն մենք ընդունում ենք առաջինի բոլոր բարեքեր առաւելութիւնները երկրորդի դիմաց: Բայց Տաճկաստանին հարկաւոր են *not measures*, *but men* (ոչ թէ միջոցներ, այլ մարդիկ) — ասել են Տաճկաստանը ճանաչող մարդիկ, և Հատտի-Շէրիֆ-Գիւլխանէն 1839 թւին, տաճիկ կառավարութեան արած «ընդհանուր բարենորոգումների» անվերջ խոստումները 1844 ու 1850 թւերին, Հատտի-Հիւսայունը 1856 թւին և Սահմանադրութիւնը 1876 թւին, իբրև կենդանի օրինակներ՝ գալիս են հաստատելու այդ հայեացքը: Այո, ամբողջ մի դարի ընթացքում բոլոր վերանորոգիչ փորձերը անցան Տաճկաստանի պատմութեան էջերով իբրև մեռած խօսքեր, իբրև կենքի չվերածելու համար ստեղծած անբնական օրէնքներ, որովհետև Տաճկաստանը կուլտուրական կենքի համար անապատ է, որովհետև նրա ժողովուրդը դեռ ևս տգէտ է, իսկ տաճկական իշխող բուրժուա-ինտելիգենցիայի և հոգեւորականութեան մէջ տիրում է արևելեան սպանիչ մթնոլորտը: Ահա ինչու մեր թիւրք հայրենակիցները մեզ ունէ յոյս ներշնչելու համար պէտք է մօտենան մեզ՝ թողնելով որնդհանուր բարենորոգումների՝ հին երգերը, որոնք վաղուց արդէն խլացնում են մեր ականջները և որոնք սակայն մարդավայել կենքի ձգտող տաճկահայաստանի ժողովուրդներին մինչև այսօր ուրիշ ոչինչ չեն տւել բացի սխտեմատիք կոտորածներից:

Համաձայն վերոյիշեալ *not measures*, *but men* բանաձևին, Տաճկաստանում այն ժամանակ կը լինի ունէ իրական փոփոխութիւն, երբ երկրում կը կազմուի մի համերաշխ քաղաքակրթութիւն, որ ընդունակ լինէր այս կամ այն կարգերը հաստատելու և պահպանելու: Ընդունելով ֆեդերատիվ պետական կազմակերպութեան նպատակը միայն՝ կարելի է ներկայումս կազմել մի այդպիսի ուժ: Այսօր կենդանի փաստեր են՝ հայկական, մակեդոնական, ալբանական, յունական, արաբական և ձեր շարժումները: Պարզեք բոլորի առաջ Օտտոմանեան Դաշնակցութեան եղբայրական դրօշակը. խրախուսենք այդ շարժումները բոլոր կարելի միջոցներով. անկեղծ գործակցութեամբ փոխադարձ վստահութիւն ներշնչենք, որ իւրաքանչիւր ժողո-

վորդի էական պահանջները գոհացում կը ստանան. տենդային ջանքերով պատուենք և ձեր ժողովրդի գիտակցութիւնը պատող խաւարը, — և մեզ կը յաջողի համախմբել բոլոր տաճկահայաստանի ժողովուրդների առաջագէտ, օրինակահաս և ազնիւ տարրերը, որոնք՝ միասին վերցրած՝ և կը տան երկրին այն ուժը, որի կարիքը զգացում է: Եւ եթէ վերջապէս դուք հաւատում էք սահմանադրութեան բարեքեր հետեւներին, թողէք նախ՝ ընդհանուր նպատակի առաջ միանան, իմի ձուլեն բոլոր տարրերը, իսկ նրանից յետոյ կենքի ընթացքը, ժամանակի պահանջները ինքնրստինքեան ցոյց կը տան՝ թէ որքան անհրաժեշտ է մինչև Օտտոմանեան Դաշնակցութեան հաստատուելը՝ ընդունել իբրև իշխան, իբրև անցողական մի շրջան — ձեր փայփայած սահմանադրութիւնը: Բայց դուք, երիտասարդ թիւրքեր, հակառակ էք դրան, և մէկ նուլթանին խփելով՝ պատրաստ էք մեզ էլ չինայել:

Ինչպէս հետևենք ձեզ...

Գալով միջոցների խնդրին, այստեղ ևս դրութիւնը անորոշ է: «Օսմանլին» միակ խումբն է, որ յայտարարել է իրեն յեղափոխական, իսկ «երիտասարդ թիւրքեր» են իրենց անւանում բոլոր բողոքողները, բոլոր դժգոհները: «Մէշվէրէթը» իրեն «կարգի և յառաջդիմութեան» կողմնակից համարելով՝ հանում է իր ծրագրից յեղափոխական միջոցները: Տամատ-Մահմուտ փաշան պարզ չէ խօսում այն ձևերի մասին, որոնցով կարելի է «ընթել հայրենիքը կեղեքող բռնակալութիւնը», և եթէ ներքի լինէր ենթադրութիւնների մէջ մտնել, միայն կարող էինք ասել, որ յամենայն դէպս նա «կարգի և յառաջդիմութեան» կուսակցութիւնից չա՛ն աւելի է առաջագէտ:

Ո՞ր միջոցների վրայ պէտք է կայանաք միո՞թիւնը:

Հայրենակիցներ. մենք խօսեցինք այժմայն անցեղէնութեամբ — այնպէս, ինչպէս խօսում ենք ինքներս մեզ հետ և ինչպէս վայել է լուրջ հարցերի դիմաց: Եթէ տեղ-տեղ մենք ստիպւած եղանք խիստ շեղու բանեցնել — դա բացատրւում է ոչ թէ մեր կոչմութեամբ, այլ միակ ցանկութեամբ՝ չթողնել ոչ ներկայի և ոչ ապագայի համար մութ, անորոշ կէտեր: Իսկ մի անգամ էլ ձեր առաջ մեր տրամադրութիւնները չեղտելու համար՝ աւելացնում ենք և հետևեալը.

Թիւրքեր. մենք չենք ձգտում ոչ հայ թագաւորութեան վերականգման, ոչ թէկուզ 100 մարդուց միայն բաղկացած ունէ ազգութեան սպարնոյ գերիշխանութեան, ոչ էլ անպատճառ ձեր պետութիւնից անջատելու: Մեր դրութիւնը պարզ է. ինչպէս ձեզ վիճակած է գործել ձեր ժողովրդի մէջ, նոյնպէս էլ մեզ համար աւելի յարմար է մեր ժողովրդի պէտքերին հետևել: Եթէ մենք այսօր կոչում ենք բարձրաձայն՝ «Եկե՛ք հայկական շարժումը», «Եկե՛ք հայ յեղափոխութիւնը» —

դա չէ նշանակում, որ մենք միշտ պատրաստ չենք նոյն ոգևորութեամբ նաև կոչելու՝ «Կեցցէ՛ ընդհանուր օտարմանեան յեղափոխութիւնը», «Կեցցէ՛ ընդհանուր օտարմանեան անկախութիւնը»: «Աշխատաւոր դասակարգերը իրենց բնական և բազմակողմանի զարգացման համար կարիք ունեն իրենց ազգերի անկախութեան ոչ պակաս, քան ընդհանուր ձայնատուութեան, կապակցութիւնների և մամուլի ազատութեան».

«միջազգայնութիւնը չէ հերքում ազգայնութիւնը, այլ նշանակում է միայն ազգերի ազատութիւն և հաւասարութիւն», — ասում է յայտնի Կառլ Կրիստիան Կապլանը՝ «Միջազգայնութիւնը նոյնքան հակառակ չէ ազգայնութեան, որքան սօցիալիզմը՝ անհատականութեան, այսինքն անհատի զարգացման».

«առանձին ազգերի անհատականութիւնը մարդկութեան համար նոյնն է, ինչ որ հասարակութեան համար անձնաւորութիւնների անհատականութիւնը» — պնդում է Լիբերտիստ, և մենք, ինչպէս տեսնում էք, չենք հակասում և չպիտի հակասենք միջազգայնութեան գաղափարին:

Այո՛, լինելով հայեր, գործելով հայերի մէջ մենք մնում ենք մարդիկ և չենք կարող ուրիշներին պակասը ցանկանալ, քան ուզում ենք մեզ համար: Ուրիշի հաշուով ապրողների կամ նրանց իրաւունքների սահմանափակման վրայ իրենց իրաւունքները հիմնողների վատութիւնը եթէ մենք չիմանայինք, սուլթանների տիրապետութիւնը միայն բաւական կը լինէր դրանում մեզ համոզելու համար: Տւէք մեզ ուէ հաւաստիք, որ միանալով ձեզ հետ՝ դրանով մենք չենք ապահովի միայն ձեր հանգստութիւնը՝ թէ հայկական հարցը յաջողաբար խեղդեցիք և որ այդ հարցից այլևս վտանգ չկայ օսմանեան գերիշխանութեան և նրա վաղեմի աշխարհակալ փառքին, այլ դրանով ձեռք կը բերենք թիւրք ինտելիգենցիայի մի արժանահաւատ ուժը, որ կարող է բարեփոխել մեր ժողովրդի դրութիւնը, — և մենք յեղափոխականին վայել աւելնով կը վազենք ձեր շարքերը ամրապնդելու:

Բայց երբ կը լինի այդ...

I

Վեհ ազատութեան սէրը չէ մենակ,
Որ ինձ մղում է կուր վառ հանդէս, —
Հրեղէն ոխն է, վրէժն՝ անյատակ,
Որ սիրտս է այրում ժահր-թոյնների պէս...

Ախ, թէ լինէի կայծակ-հրաբուլ
Մռայլ Տաւրոսի ճակատից վիժած,
Պիտի փշթէի, շանթէի պիտի
Թշնամու կուրծքը չար, արիւնխաւանձ...

Բայց հոգուս խորքում օձեր են զեռում, —
Վրէժի իժեր — սև, կծիկ-կծիկ.
— Ու ո՞ւմ է սիրտս, և պիտի պայթի,
Թշնամու գլխուն նա՛ պիտի պայթի...

II

Էյ, ջան-հայրենիք, ի՞նչքան սիրուն ես,
Սարերդ կորած երկնի մովի մէջ.
Ջրերդ՝ անո՛ւշ, հովերդ՝ անո՛ւշ,
Մենակ բալէքդ արուն-ծովի մէջ:

Քու հողին մեռնիմ, անգին հայրենիք,
Ախ, քիչ է, թէ որ մի կեանքով մեռնիմ.
Երնէկ ունենամ հազար ու մի կեանք,
Հազարն էլ սրտանց քեզ մատաղ անեմ:

Ու հազար կեանքով քու դարդին մեռնիմ,
Բալէքիդ մատաղ, մատաղ քու սիրուն.
Մենակ մի կեանքը թող ինձի պահեմ, —
Էն էլ քու փառքի գովքը երգելուն, —

— Որ արտուտի պէս վեր ու վեր ճախրեմ
Նոր օրւայ ծէգիդ, ազնիւ հայրենիք,
Ու անո՛ւշ երգեմ, բարձր ու զի՛լ գովեմ
Կանանչ արեդ, ազատ հայրենիք...

ՀԱՅ-ՊԱՆՈՍԱՆ

Թ Ղ Թ Ա Կ Ց Ո Ի Թ Ի Ի Ն Ն Ե Ր

Ն Ա Մ Ա Կ Վ Ա Ն Ե Ն

20 յունիս

Կառավարական գանձին դատարկութիւնը անօթի չունեցող բաժնէ կառավարական, մասնաւոր ոտակաւորութեան պաշտօնեաները, որոնք կաշխատին իրենց երեսակալութեան զօր տալով, նորանոր խնդիրներ երեւոյն, ինչպէս զօր ունեւայ երեսակալ և թէ իրենց էնթրփրիզներուն ինքնակամար կեդրեւորով ապրելու համար Գողթի, անարարականներ իրենց պաշտպանութեան սակ կը չըլին քաղաքն ու այդեւտաններն և ամէնքն ալ վտանգն են, թէ ոսկոր մը նետելով Հիւսնի, Մէմէտի, Ապօյի, Մկրտիչի առջեւ ուղածուն պէս կրնան շարժիլ, արհամարհելով ունէ գատարան ու արգարութիւն Յեղափոխական խնդիրներ յուզելու և զգալաւորութեան ներքին համար յիշատակութեան արեւելից են կարգ մը շահամուղ և անխիղճ հայեր, որոնց պարագլուխներն են մասնիկ Չարգճեան, քէօր Արաւաթ և Վազգէնի հին ընկեր՝ դաւաճան Յովհաննէս Սէմէրճեան, որ անցեալ տարի կառավարութեան ձեռք յանձնեց իսպիկ անունով մի երիտասարդ քսան ոսկի փոխարէն, զոր ոտադառ քէօր Արաւաթի միջոցով:

Եօթ ութ ամիսներէ ի վեր Արծկէ գաւառի 20-21 հայ զինուոր կողմէ մէկ քանի գիւղապետներ տեղի կառավարութեան զինամէկին հայտարարեցի հաւիտիքներու պետ և 25քի փաշայի սիրական՝ դաւիթ քէօր Հիւսնէին փաշայի անգլթութիւններու և խմբութիւններու գէմ բողոքելու և թէ վերջինին միջոցով իրենց զինուորը բոյն դրած քիւրդերը դուրս հանելու համար եւ իրաւ, այդ զինուորը, որ Սիփանի ստորադր կը գտնուին, բողոքովին այդ մարդակերպ գայլի կամայականութեան ենթարկուած են իր զօլամնէրն ամէն զիւղ և պմէն տուն մուտք ունին, շատ մը հայ աղ-

ջիկնիւր (աւելորդ է յակահէ անւանէ ըսել) բռնի փախ-
ցուցած եւ մահմետական դարձուցած են, իրենց հա-
կառակող մէկ երկու մելիքներ սպաննած, կարգ մը
գիւղերու մէջ հայերու տուններ ընակութիւն հաստատած
եւ ուրիշ անթիւ քրդական բարբարոսութիւններ Գիւ-
ղացիներ, աւելն յատանգ աչք առած գովելի միութեամբ
մը թէ Բարձրագոյն Իսլամ եւ թէ պատրիարքարանը
անպիմ ծախքերով հեռապիւր քաշելով՝ ճար մը խնդրած
էին իրենց անել վիճակին:

Կառավարութիւնը զարմայած եւ միանգամայն յուսա-
հատած անոնց օրինաւոր, բայց ձանձր ալի դիմում-
ներէն, վերջապէս հաճած էր զօրք հանել անոնց գիւղերն
թէ քիւրդերը վտարելու եւ թէ զի զայիններ Հիւսէին
փաշայի զօլ ա մ ն եր ու զէմ պաշտպանելու համար:
Խեղճերը Հիւսէին փաշայի դէպի Երզնկա մեկնումը
իրենց բողոքի արդիւնք կարծած էին, մինչդեռ չեն
գիտեր թէ ուրիշ համադրեցներու գլխաւորներու հետ,
Ջէքի փաշայի նախագահութեամբ, ո՞վ գիտէ ինչ չա-
րիքներ կը դաւեն ժողովը գեռ վերջացած չէ. հոն
կանչւած է նաեւ, խիլի ալոց, Շէրիֆ պէյը: Կ'ըսէ
թէ նոր կանգադրութիւններ սկստի ըլլան համադրեցները
յարեկարգելու համար: անշուշտ ի վնաս հայ ազգա-
նակութեան:

5 յուլիս

Արհեստական սովը զեռ վերջացած չէ, թէեւ հունձ-
քերը լաւ արդիւնք կը խոտանան: Ամբողջ նահանգը
հայ կ'աղաղակէ: Կառավարութիւնը իրր թէ հացի սղու-
թեան առջեւ առնելու համար՝ ինքը կ'ամբարէ ցո-
րենները եւ իր ձեռքով ծախել կ'առայ: որով շատեր
չեն ուզեր իրենց ունեցածը ծախելու, իսկ չըջակայ
նահանգներէն արգելւած է գործնի արտածութիւնն,
կարծես թէ մէկմէկու օտար եղած ըլլային: Հացի օխայի
գինը 50 փարայէն 100 փարայի բարձրացաւ: հասած
օրնութիւններն կաթիլ մը ջուր են: Ո՛ր է այն հիւ-
րասէր գիւղացին, որուն սուրը հաղարաւորներ կը
կերակրէին. այժմ խոտածարակ կ'ապրին եւ շատերը
արդէն իրենց սպազայ ամբողջ հունձքն ծախած են
իրենց զաւակներուն պատած մը հայ հայթայթելու
համար: Վաշխառու քաղաքացին սողրուկի նման կը ծծէ
գիւղացիներու առանց այն ալ չորցած, անօթութենէ
նւաղած մարմինը:

Սովին հետ ձեռք ձեռքի տւած կառավարութիւնն
անողորմելի կերպով հարկեր կը հաւաքէ. հարկաւորներ
կը փախչին դէպի Ռուսաստան, հոն իրենց ընտանիքի
ապրուստը ճարելու յոյսով: Ո՛ր ես, («Նովի») Սրմանեան,
ո՞ր է հարկերու յաշիւումը, ճանապարհն յիշու ազա-
տութիւնը. ո՞ր են ինչ, հերիք չէ՞ տակաւին հայ
ազգը խարել:

ՔԱՂԱՔԱԿԱՆ ՏԵՍՈՒԹԻԻՆ

ՏԱՍՆԻՆՆԵՐՈՐԴ ԴԱՐ

(ՔԱՂԱՔԱԿԱՆ-ՍՕՑԻԱԼԱԿԱՆ ՏԵՍՈՒԹԻՒՆ)

IV

«Աստուծոյ ողորմութեամբ և կամօք ժողովուրդի» Լուի
Ֆիլիպպ եղաւ Քրանսիայի թագաւոր և խոստացաւ յար-
գել սահմանադրական իրաւունքները: Ոչ մի խոստում
սակայն, որքան էլ նա հեղինակաւոր ու անկեղծ լինէր,
չէր կարող խաղաղացնել ալեծուփ Քրանսիան և մա-
նաւանդ նրա մշտաբորբոք մայրաքաղաքը, ուր օրըստօրէ
շեշտուում էր դասակարգերի հակամարտութիւնը և ուր
արդէն սպառնական գլուխ էր բարձրացրել նոր իդէալներ
ու նոր կեանք աւետող՝ ս օ ց ի ա լ ի զ մ ի կարմիր ուրա-
կանը: Բոլոր ժողովուրդական թագաւորը մետաֆիզիկական

մի երևոյթ է. նա երբէք չի եղել պատմութեան մէջ,
երբէք չի էլ լինի: Թագաւորները յենում են միշտ
այս կամ այն դասակարգի վրայ, պաշտպան կանգնելով
միշտ հզօրներին՝ ընդդէմ թոյլերի: Նրանք երբեմն
աջողում են սին խոստումներով հմայել ժողովուրդային
ընդհանրութիւնը, բայց և միշտ դաւաճանում են նրա
շահերին:

Բուրբոնները յենում էին գլխաւորապէս ազնա-
կանութեան ու կղերի վրայ, Ֆիլիպպ Օրլէանեան յեն-
ում էր ազատամիտ բուրժուազիայի վրայ: Բայց քանի
որ բուրժուազական ազատամտութիւնը վերջին խօսքը
չէր հասարակական էւրոպեացիայի, քանի որ տնտեսական
կեանքը, գիտութիւնն ու գրականութիւնը նոր, աւելի
թաւմ ու արմատական հոսանքներ էին արտադրել,
հասկանալի է ուրեմն, որ անտագոնիզմը պիտի կանգուն
մնար ժողովուրդի ու իշխանի միջև և որ յեղափոխական-
հանրապետական պայքարը պիտի յարատւէր: Կուր էր
կուսակցութիւնների, որ և կուր էր դասակարգերի:
Հանրապետականները — բանւորներ, համալսարանա-
կաններ, ինտելիգենցիայի ամբողջ ազատամիտ մասը —
երազում էին 1793-ի հանրապետութիւնը: Միւս կողմից՝
հետզհետէ կազմակերպւում էր բուն ընկերավարական
կուսակցութիւնը իր յատուկ կերպարանքով և սկսում
էր դեր խաղալ հասարակական-քաղաքական կեանքում:
1830-ից մինչև 1840 բազմաթիւ խրտումներ ու ապս-
տամբութիւններ տեղի ունեցան բանւորական աշխար-
հում: Յեղափոխական պրօպագանդը աճում էր, կազ-
մակերպւում էին նոր-նոր դաւադիր ընկերութիւններ,
որոնց ղեկավարն ու հոգին էր հռչակաւոր Բլանկի:
Լուի Ֆիլիպպի կառավարութիւնը հալածում էր այդ
ընկերութիւնները, բռնութեամբ ճնշում հանրապետա-
կան ցոյցերը և դրանով իսկ փորում էր իր սեփական
գերեզմանը:

Շատ չանցաւ, և Եւրոպան նորից դղրդաց Փարիզի
ահեղ որոտումներից: Յուլիսեան յեղափոխութիւնը
կրկնեց 1848-ի փետրարին աւելի մեծ ու ահաւոր
չափերով: Հնչեցին դարձեալ «կորչի՛ թագաւորը»
աղաղակները, զինւած ժողովուրդը ներս խուժեց Ազ-
գային Պատգամաւորական ժողովը և մէկ հարւածով
յեղաշրջեց տիրող քաղաքական ռեժիմը, սահմանելով
ու ա մ կ ա վ ա ր ու թ իւ ն: Յեղափոխութիւնը ուրա-
գանի պէս փչեց ամբողջ եւրոպական ցամաքի վրայից
և արքայադատ մայրաքաղաքները վառեց ապստամբու-
թեան հրդեհով: Վէննա, Բերլին ոտքի կանգնեցին:
Սիկիլիա, Նապոլ, Միլան, Պրագա, Դրէզդէն և այլն հե-
տեցին նրանց օրինակին, և ազատութեան մարտիկների
արիւնը հոսեց ամիսներով: Վէննայի ժողովուրդը՝ Փա-
րիզի անցքերով յափշտակւած՝ սկսեց մի շարք ապս-
տամբութիւններ (մարտ 1848), որոնք ստիպեցին թա-
գաւորին փախուստ տալ ու ստորագրել սահմանադրու-
թիւն: Ապստամբութիւնը պայթեց Սիկիլիա կղզու վրայ
և այնտեղից տարածեց ամբողջ Իտալիայում: Չեխերը,
ուսկարացիք նոյնպէս բարձրացան, և շատ չանցած՝
բովանդակ Աւստրիան իր բազմատարր ու բազմալեզու
ցեղերով լողում էր արեան գոլորշիների մէջ: Իտալիայի
ազատագրութեան առաջին փորձերում արդէն փայլում
են Գարիբալդիի ու Մաձինիի պայծառ դէմքերը: Ապս-
տամբութիւնը խեղդեց, իրաւ է, ուէպիցիան յաղթաւ:

նակեց Իտալիայում զրափոխական միջոցներով, — բայց ապստամբների այդ առաջին և հսկայական ձիգը ապարդիւն չանցաւ. նա զարկ տւեց ազգային ինքնաճանաչութեան, որը պիտի տար իր բաղձալի արդիւնքը 12 տարուց յետոյ:

Վեննայի ապստամբութեան հետեւեալ օրը (մարտ 18) պայթեց Բերլինը: Պաղ, խոհուն, ծանրաշարժ գերմանացիք առաջին անգամը նորագոյն պատմութեան մէջ բարրիկադների էին դիմում: Ի՞նչ էր նրանց պահանջը — նոյնը, ինչ որ ամէն տեղ՝ ապրել 19-րդ դարու կիսում քաղաքացիական մարդավայել կեանքով, ազատ ֆէօդալական կաշկանդումներից: Սահմանադրութիւն, ազատ մամուլ ու խօսք, ազատ առևտուր ու արդիւնագործութիւն — ահա գերմանական աշխարհի պահանջները 1848-ին: Միահեծան պետերը ահաբեկած՝ յետ էին նահանջում ապստամբների առջև և շտապում էին ստորագրել այդ պահանջները: Ո՞րքան հզօր է յեղափոխութեան աստածը, և որքան անողորմ է նա ազատութեան դահիճների դիմաց: Ահաւասիկ պատմական մի վսեմ, անմոռանալի վայրկեան, երբ եւրօպական վեհաշուք մայրաքաղաքները մին միւսի ետեւից անձնատուր են լինում յեղափոխութեանը և երբ ժողովուրդների վեհերոտ հրամանատարները լեղապատառ՝ մի անկիւն են փնտրում պատսպարելու իրենց յանցաւոր գոյութիւնը... Ապստամբները տիրանալով Բերլինին՝ չուզեցին ջնջել միապետութեան գարշելի հաստատութիւնը — այդպիսի դեռ չէին հասունացել գերմանացիք, — բայց նրանք ուրիշ կերպ վրէժխնդիր եղան դարաւոր բռնակալութիւնից: Սահմանադրութիւնը կորզելուց յետոյ՝ նրանք ուզեցին որքան կարելի է նւաստացնել վեհապետի անձը: Մի օր նրանք բերին ազատութեան նահատակների դիակները դարսեցին արքայական բակում, ապա կատաղի գողում-գողումներով դուրս կոչեցին թագաւորին ու թագուհուն և ստիպեցին նրանց գլուխ խոնարհեցնել ի յարգանս մեռածների...

Հարժումը Պրուսիայում չկղզիացաւ: Ռամկավարականներն ու կոմունիստները (ընկերավարական) զանազան տեղերում կազմակերպել էին գաղտնի կոմիտէներ: Մայիսի 11-ին գումարեց Փրանկֆուրտի հռչակաւոր պարլամենտը, որ կազմում էին ամենայայնի գիտնականներ, ազատամիտ ու արմատական պրօֆէսորներ, և որ նպատակ ունէր մշակել սահմանադրութիւն բոլոր գերմանական պետութիւնների համար: Երբ նրա դէմ հալածանքներ սկսեցին, նա նիւթեց մի շարք արիւնահեղ ապստամբութիւններ Գերմանիայի այլեայլ անկիւններում: Սաքսոնիայում, Սիլէզիայում, Բադէնում, Վիւրտեմբերգում տարածեցին ապստամբութեան ալիքները: Դա մի հոյակապ շարժում էր Գերմանիայի ազատագրութեան ու վերածնութեան: Դա բոլորժուազական յեղափոխութիւնն էր, որ կատարւել էր Փրանսիայում 60 տարի առաջ: Նա ազատեց Գերմանիան ֆէօդալական-համբարական կարգերից և դրեց նրան ազատ զարգացման ճանապարհի վրայ: Երկրի առևտուրն ու արդիւնագործութիւնը այնուհետեւ ահագին թուիւքներ արին և պատրաստեցին քայլ առ քայլ գերմանական միութիւնը, որ և իրագործւեց 1871-ին արեան ու երկաթի քաղաքականութեամբ:

Համալսարանական երիտասարդութիւնը, ինտելիգենցիան առաջապահի դերը խաղացին 1848-ի գերմանա-

կան շարժումների մէջ: Նրանց շարքերում մենք տեսնում ենք դարուս ամենափայլուն դէմքերը՝ Կարլ Մարքս, որ կոչւած էր ի մի ձուլելու համայն աշխարհի բանւոր ընդհանրութիւնը, Կարլ Ֆոխտ, անխնջ կուռղը և գիտնական-փիլիսոփան, Ֆրիդրիխ Էնգելս, պատանի Լիբկնեխտ, Միխայիլ Բակունին, ռուս յայտնի յեղափոխական, որ հոգին էր Դրեզդէնի ապստամբութեան, և շն եւն:

Փետրւարեան յեղափոխութեան նախընթաց օրն էր, որ Կարլ Մարքս իր հռչակաւոր մանիֆէստով արձակեց աշխարհին շառաչալից կոչը՝ «պրօլետարներ՝ բոլոր երկիրների՝ միացէ՛ք»: Համաշխարհային մի երևոյթ էր այդ կոչը, քանի որ Մարքսի մանիֆէստը դարձաւ յետագայում միջազգային սօցիալիստ պրօլետարիատի աւետարանը: Նա անում էր համարձակ մարգարէութիւններ, նա ներշնչում էր վարդապոյն յոյսեր: Երիտասարդ Մարքսը գուշակում էր 1848-ի բուրժուազական յեղափոխութիւնից յետոյ անմիջապէս սօցիալական յեղափոխութիւնը, որը արմատից պիտի ջնջէր դասակարգերի հակառակութիւնը և պիտի սահմանէր մարդկանց մէջ կոմունիստական հաւասարութիւն: Մօտիկ ապագան չարդարացրեց այդ վառ յոյսերը, և ընկերավարական մտածողները, որ փոքր առաջ հաւատում էին սօցիալական յեղափոխութեան շուտափոյթ գալուստեան և սօցիալիզմի մօտալուտ յաղթանակին, այժմ ընդունում են, որ այնպիսի մի վիթխարի հարց, ինչպէս հասարակութեան արմատական յեղաշրջում է, պահանջում է տարաբախտաբար երկար, շատ երկար ժամանակի անդուլ աշխատանք...

Ամբողջ Փրանսիան լուռ ու մունջ ընդունեց Փարիզի դեկրետը, որ հռչակում էր հանրապետութիւն: Ընտրուեց — ընդհանուր հաւասար ձայնատուութեամբ — ժամանակաւոր մի կառավարութիւն: Թւում էր՝ թէ ներքին կռիւներն ու արեկոծութիւնները գէթ առժամապէս պիտի դադարէին. թւում էր՝ թէ հանրապետական ռէժիմը իր «ազատութեան, հաւասարութեան ու եղբայրութեան» ծանուցումներով այլևս առիթ չպիտի տար դժգոհութեան ու խռովութիւնների... Սակայն ընդհակառակը՝ կուսակցութիւնները, կարծէք, այնուհետեւ դարձան աւելի անհաշտ և դասակարգային կռիւր ընդունեց աւելի սուր ու կատաղի կերպարանք: Ընկերավարական կուսակցութիւնը, որ իր ներկայացուցիչներն ունէր ժամանակաւոր կառավարութեան մէջ (Լուի Բլան, Ալբեր), չէր ուզում բաւականանալ լոկ քաղաքական յեղափոխութեամբ և ձգտում էր սօցիալական յեղափոխութիւնը և քաղաքական առաջացնել, որը միայն կարող է բարւոքել աշխատաւոր դասակարգի վեճակը: Առաջին քայլից իսկ սկսեց բաժանումն ու կռիւր հանրապետական կառավարութեան մէջ, այն ինչ՝ Սօրբիէ, Բլանկի, Բարբէ կարմիր յեղափոխականները միևնոյն պայքարը մղում էին դրսում, շարունակ աճեցնելով գաղտնի ընկերութիւնների թիւը:

1848-ի արիւնոտ անցքերն արձանագրելիս՝ չենք կարող չսիշել «ազգային արհեստանոցների» (ateliers nationaux) տխուր, ողբերգական պատմութիւնը, որ կը մնայ յաւէտ իբրեւ անջնջելի փաստ բուրժուազական ապիկարութեան և մի պերճախօս ապացոյց, որ բանւորները միմիայն իրենցից կարող են ակնկալել իրենց

դասակարգային ազատագրութիւնը: Լուի Բլան խմբագրեց le droit au travail-ի (իրաւունք աշխատելու) դեկրետը, որի համեմատ՝ «հանրապետական կառավարութիւնը պարտաւորուած էր ապահովել բանւորի դրութիւնը աշխատանքով և աշխատանք մատակարարել ամէն մի քաղաքացու»: Անմիջապէս հրահանգեց շինել ազգային արհեստանոցներ՝ աշխատազուրկ բանւորներին գործ տալու համար: Դա ամենամեծ զիջումներն էր, որ արեց բուրժուական հանրապետութիւնը բանւորներին: Բայց հէնց այդտեղից է սկսուած արիւնոտ դրամը: Ճգնաժամ էր, աշխատանք չկար: Անգործ մասնաները մերկ ու քաղցած թափառում էին փողոցներում: Կառավարութիւնը առերես համաձայնեց պարագմունք տալ նրանց, բայց՝ փոխանակ իւրաքանչիւրին ըստ իր ընդունակութիւնների և մասնագիտութեան աշխատեցնելու, բոլորին էլ ստիպեցին հող փորել չնչին օրավարձով: Այդ միջոցին էր, որ գաւառներից սկսեց մեծ հոսանք դէպի մայրաքաղաք: Աշխատազուրկ բանւորների թիւը աճեց, բարձրացաւ երկու ամսւայ ընթացքում 6,000-ից մինչև 100,000: Այն ժամանակ օրավարձը սկսեցին աստիճանաբար պակսեցնել, շատերին նոյնիսկ զրկեցին աշխատանքից, ապա և հրամայեց արձակել բոլորին ու բռնի յետ քշել դէպի գաւառները: Բանւորները ըմբոստացան, սկսեց մի տենդային ագիտացիա: Սօցիալիստական պարագլուխները հրաւիրեցին նրանց դէպի ապստամբութիւն: Ընդհարումը անխուսափելի էր:

Պրօլետարիատը՝ զինւած ոտից ցգլուխ՝ բռնեց Փարիզի ամբողջ արևմտեան քաղաքամասը, բարրիկադները բարձրացան... «Խաղաղութիւն» — մոնէշաց բուրժուական ռէակցիան, և գեներալ Կալէնեակը հրաման ստացաւ ջնջել ապստամբներին: Պայթեց մի զարհուրելի ծակատարտ, որ յիշատակելի է Պարիզի արհաւիրքների պատմութեան մէջ — մի կողմից պրօլետարիատը, միւս կողմից՝ ամբողջ բուրժուական ռէակցիայի բանակը, որ երգել էր իսպառ ոչնչացնել սօցիալիստական ուրակները: Ամրացած Սէնտ-Անտուանի արուարձանում՝ բանւորները կռուեցին յամառ, մոլեգին: Երեք օրւայ արիւնհեղութիւններից յետոյ զօրքը պաշարեց նրանց: Եւ... սկսեց կոտորածը, — ահաբեկ, մասսային կոտորած, որ յայտնի է պատմութեան մէջ «Յունիսեան ջարդեր» անունով: Բանւորները խմբովին մորթուեցին կամ աքսորւեցին, տանեակ հազարաւոր պրօլետարներ ընկան բարրիկադների տակ «ազատութիւն» մրմնջալով...

Ծանր, յուսահատեցուցիչ օրեր էին ֆրանսիական սօցիալիզմի համար: Մի սարսափեցնող հիասթափութիւն տիրեց ընկերվարականներին և բոլոր առաջագէտ տարրերին: Սօցիալիստական պրօպագանդը մարեց, նրա օրգանները խափանւեցին: Սօցիալիզմը ընկճեց և այնուհետև երկար ժամանակ կենդանութեան նշոյլ չէր ցոյց տալիս: Զարմանալի չէ, որ երեք տարուց յետոյ (2 դեկտ. 1851) կատարւած Լուի Նապօլէօնի (հանրապետութեան նախագահ) պետական հարածի փորձը պսակեց աշուղութեամբ և արեան հեղեղներով նւաճւած փետրւարեան հանրապետութիւնը վերստին փոխեց կ'ա' թ' ու թ' ե' ն:

Թ Ի Ի Ր Գ Ի Ո Յ Ե Ո Ւ Ր Զ Ը

ՇԱՀԸ ՊՕԼԻՍ, ԿԱՄ ՇԻՐ ԽՈՒՐՇԻՏԸ ԵՒ ՄԱՀԻԿԸ. — Հազար տարին անգամ մը օսմանցները իրենց փատիշահին յօշկանը տօնեցին, ան ալ քննենէն եկաւ: Ոչ մէկ թագակիր զուխ ազգային այդ արիւնային հանդէսին մասնակցելու փութկոտութիւնը ունեցաւ: Համիդ բոլոր թագաւորութիւնը կուտար, եթէ իր յօշկանին վեհապետ մը մասնակցէր, բայց իզուր... Ամէնքը իրենց խեցիներուն մէջ քաշւած՝ շատացան մէյմէկ հասարակ ներկայացուցիչ դրկել... Խալիֆային համալսմութեան երազին վրայ պաղ շոգի անելու համար: Եթէ երբէք թագաւորներէն մէկնումէկը փորձէր ներկայ ըլլալ այդ արիւնային յօշկանին, իսկոյն Պօլսոյ լզան թերթերը պիտի գրէին թէ այսինչ կեանքը վեհապետը մեր օգոստոսիառ սուլթանին հաւատարմութիւն ցուցնելու եկաւ և հազրէթի փատիշահին ներկայանալով անոր ծնօքը պազաւ: Թիւրքերը հիմա աշքկապութեան ելեր են. սուտեր կը բրդնն ասդին անդին և խեղճերը ատով կը յուսան՝ թէ աշխարհի բոլոր միւսիւմները իրենց արիւնքերան փատիշահին շուրջը պիտի հաւաքեն:

Երբ քրիստոնեայ վեհապետները չի հաճեցան համիդի լուսեղանին ուխտի գնալ և իրենց... քախտը փորձել, Եղեղեղ ուրիշ հարքի մը դիմեց իր աստաճային շուրքի հմայքը իմացնելու համար: Օգտուելով պարսից շահին Եւրօպայացիութիւնէն, ամէն կեղծաւոր և խաբեքայ միջոցներ գործ դրաւ, որպէսզի Մուգաֆէթ-է-դ-դինը Պօլսա բերել տայ, քանի որ Պօլսոյ այժմ ջրի ծամբայ եղած է, իսկ ինք դազի համիդը տեղէն չի ջարժիր, վախճալով որ հաւկիթը կը պաղի:

Պարսից վեհապետները, հակառակ իրենց ժողովրդին թունդ մոլեռանդութեան, կը սիրեն երբեմն երբեմն ժամբողջել Եւրօպայ, տեսնել քաղաքակրթութեան հրաշալիքները և... Նոր վայելումներ ունենալ: Իրենց հետ կը տանեն անթիւ հետեւորդներ, որոնք կը յիշեցնեն հին «ամմահից գունդը»: Պարսից Շահնշահները, կը տեսնենք, որ տնտեսական կենցաղ մը չունին թրքաց սուլթաններուն պէս, որոնք իրենց պալատներուն մէջ թուխս նստած՝ ամէն օր մէյմէկ հաւկիթ կ'ածեն... Միայն թէ շահերու այցելութիւնը Եւրօպայ չունենար անմիջական կամ զգալի ազդեցութիւն հեշտանքէ նետահար պարսիկ ժողովրդին անշարժութեան վրայ:

Նասր-է-դ-դին շահը, շահ Ապիւլ-Ազիզի մզկիթին մէջ դժբախտ մահ մը ունենալէ առաջ, քանի մը անգամ շափշփած էր Եւրօպան և այդ պատճառաւ լուսամիտ ու բարենորոգիչ վեհապետի տագրական համարը կը վայելէր, թէեւ շատ հեշտ չէ առկայծ ու հալումաշ երկրի մը մէջ կեանքի եղը լեցնել, երբ հոն... յիմար կոյսեր միայն կան:

Կարելի է ըսել թէ մեռնող շահը քաղաքակրթութեան բարիքները գնահատողներէն էր, բայց երեւի կը պակսէր անոր մէջ կամքի հզօր և պինդ շղեր: Որմիզդի և Ահմետի միջեւ տարուբերող մըն էր:

Անհրաժեշտ է Մեծն Պետրոսի մը կամքը, եթէ ոչ վայրագութիւնը, Ալիի աղանդաւորները խելքի բերելու և քայքայումի տարսուներէն փրկելու համար:

Մուգաֆէթ-է-դ-դին եւս, հօրը պէս, ժամբողջութեան սիրահար կերելի: Կը յուսացի որ Նոր շահը քաջած երկրներէն ընտրելով կը անտանի հետը իր հպատակներուն անխիտոն գոյութիւնը անուշեցնելու համար: Զէ կարելի ըսել թէ պարսիկ շահերը անմահական զբօսանքի համար միայն կը թափառին աշխարհէ աշխարհ, շողորթութեան ու երեսպաշտութեան առարկայ ըլլալու համար, կամ անոնցմէ են, որոնք ծովը կերթան ու ցամաք կնդառնան: Մուգաֆէթ-է-դ-դին քաղաքակրթութեան կեանքով հետաքրքրուող մըն է, քաջ որսորդ մը ըլլալէ զատ, և զուցէ կըմընէ թէ վեհապետի մը կոշուք իր հպատակները քախտաւոր ընեն և, ինչ որ կը քարոզէին նաեւ պարսիկ հին բանաստեղծները:

Կար ժամանակ, երբ արեւելեան թագաւորները, ինչպէս և սուլթանները, իրենց պալատի պարսպի հորիզոնէն դուրս չէին ելլեր և չէին գիտեր իրենց երկրին մէջ անցած դարձածը. շրջապատուած պնակաւեցներէ, շողորթութներէ, մութին մէջէն կը կառավարէին իրենց երկիրը, զոր չէին ծանշար: Եղան վեհապետներ ալ, աւելի հոգատար իրենց յանձնուած հօտին, ծպտուած ատեն-ատեն դուրս կելլէին, տեղէտեղ ման կուգային և իրենց ժողովրդի վիճակը մօտէն կը դիտէին: Կը հարցուփորձէին առաջին հանդիպող հովիւը կամ գեղացին, որոնք պարզ, միամիտ և իմաստուն խօսակցութիւնները կը պատմէին յաճախ հեքիաթներու մէջ և իրենց սովորաբար կեանքի մեղամաղձոտ փիլիսոփայութիւն մը՝ կը պարունակեն:

Սակայն այժմ այդ «երանելի» դարերը անցած են: Սուլթան համիդ, կ'ըսեն, պալատին մէջ ամբափակ զբաղում մը

միայն ունի — կարգաւ ոճրային եւ էնդրիններով լի վէպեր ու մշակել եղեմնային մութ ծրագրեր:

Նոր շահը, քաղաքական եւ այլ նպատակով, 5-6 ամիս է կը ծամբորդէր Եւրոպա: Ամէն կողմ իր արեւելեան բուրդ գլխով ու տարազով, Մոնթէսքիօյի «քարիզեան հետաքրքրութիւնը» շարժելով, այնպէս որ «Պարսկական նամականիի» հեղինակին հետ կընանք ըսել «պէտք է խոստովանել որ ծիփծիփո պարսիկ դէմը ունի»:

Բարիք քաղաքը սիրալիր ընդունելութիւն ըրաւ, ինչպէս եւ Եւրոպայի հայ գաղթականութիւնը: Բարիքի մէջ սպանութեան փորձ մըն ալ եղաւ շահին դէմ, որ եթէ յաջողէր, տոհմային սեւ ծակատագրականութեան խորհրդաւորութիւնը պիտի ստանար: Փրանսական «հին կենսութեան ինքնակենսական» եւ մեծարանքներէն խիստ գոհ պարսիկ վեհապետը քանի մը տեղեր ալ այցելելէ յետոյ՝ կը պատրաստուէր Ռուսաստանի ծամբով վերադառնալ Պարսկաստան, մանաւանդ որ իր բացակայութեան երկարելովը ներքին խլրտուսներ սկսան առաջ գալ:

Սուլթանը ամէն քար գլորցուց որ յաջողի պարսից շահը Պոլիս հրաւիրելու: Եահը տրամադիր չէր իր պատմական եւ կրօնական անհաշտ թշնամիին հետ որեսներսի գալ, եւ արդէն աւելի հեռատես մտքեր կը նախատեսէին շահին այդ այցելութեան լեզուները: Կարծես շահը ինքն ալ ամաշ կըզգար աշխարհի լեզուն ինկած եւ «Մեծ Մարդասպան» տիտղոսը կրող մարդու մը այցելել: Վերջապէս թերուղէմ երկար քանակցութիւններէ ետք պատրաստեցաւ ընդունելութեան պրօտօկօլ մը, որով շահը սիրտըմեմ իսլամութեան «գազան» խալիֆային փափաքին զոհացում տուաւ: Սուլթանին պորտը տեղը ինկաւ:

Առաջին անգամն է որ իսլամութեան երկու ոսոխ խալիֆաներ իրարու կը հանդիպին, երբ մահմետական աշխարհի մէջ հոգեւարքի ծարձատին կը լսի: Այդ տեսակցութիւնը մեղմացի մը այլաբանական ծենն ալ ունի:

Եահը անցաւ Պալատներէն, ուր հասած էր երբեմն պարսից աշխարհականութեան սուրը, ուր սկիւթացիք, հեգնութեան համար, Իարենի թռչուն մը, մուկ մը, նետ մը եւն ղրկեցին: Պարսից վեհապետը հովի պէս անցաւ այդ հինհին դարերու յիշատակի վայրերէն, ուր մոգերու ատուրշանները իրանի փառքին կը հետեւէին:

Սուլթանֆէր-էդ-դին շահը ընդունեցաւ Պոլսոյ մէջ արքայաւայել շքով: Սուլթանը խաբած էր զայն: Եոզեփակոթէն շոգեմաւ կը դնեն եւ կը տանեն ուղղակի Օրթագիւղ, փայտի կտորներով թալաթօսած նաւամատոյց մը, ուրկէ տխուր եւ նեղ փողոցներէ կառաշնորդեն Երլուզ, ամէն աշքէ հեռու պահելով: Մինչ-դեռ Կիյօմը Ծովապաղէի պալատին առջեւ կելլէր սուլթանը համբուրելու համար: Կարծես քաղաքական յանցաւոր մը ըլլար շահը կամ սուլթան Մուրատը, որ գողունի ծամբով կը փախցնեն: Արեւելեան վեհապետները որքա՛ն կը սիրեն պահելուտը խաղալ իրենց հպատակներուն հետ:

Եահը զգացած է, որ ծուղակը ինկած է: Յայտնի է որ թիւրքերը շահը Պոլիս բերին՝ զայն սուլթանի ստորադասը ցցելու եւ անոր ծորտը հոշակելու, մէկ խօսքով խայտառակելու համար:

Պոլսոյ թիւրք լրագիրները «չալմուփ» մը կը յայտարարէին որ շահը «խալիֆ» անուանած է սուլթանը եւ անոր ծեղքը համբուրած է: Համիդ, ինչպէս կերելի, համիսլամութեան հարցը շոշափելէ գատ, ուզեր է շահը ատելութիւնով զինել հայերուն էմ: Եթէ հաւատանք թուցիկ լուրերուն, շահը չէ բարեհաճէր համիսլամութեան արիւնարբու խալիֆային «չէշմ» ըսել: Եթէ համիդ երբէք չի յաջողեցաւ իր «սեւ կախարչութեան» մէջ, քայց շահին այնպիսի բարոյական հարւած մը տուաւ, ինքնակողմ զայն վալիի մը աստիճանին, որ միւսիւլման աշխարհը շահի վրայ կը նայի այժմ՝ իբր սուլթանի հաւատարիմ, չլու ծառայի մը վրայ:

Սուլթանֆէր-էդ-դին շատ դժգոհ մեկնած է խալիֆայութեան ոստանէն, թէեւ Պոլսոյ հիւժախտաւոր թիւրք թերթերը բողոքովին հակառակը կը հաշեն: Զէ այցելած նոյնիսկ քաղքին զխաւոր տեղերը, այնքան անպատուած զգացեր է ինքզինք: Կրօնի թէ սուլթանին հետ ծաղկեղոյի մը ատեն, որ երեք քառորդ ժամ տեւեր է, բերանին չեն բացած, լուռ նստած, լուռ բաժնւած են, կոհնեցնելով, որ Շիր Խուրշիդը Մահիկին հետ հարս-փեսայութիւն չի կընար ըսել: Եահը օր առաջ օձիքը ազատելը կը նայէր Պոլսէն, եւ օր մըն ալ երբ 3 ժամ կար դեռ շոգեկառքը իլլելու, կանուխ Մագրիզիւղ գնաց եւ հասարակ մարդու մը պէս ոտքի վրայ չսպասեց եւրօպական շոգեկառքին, որ պիտի տանէր զինքը եւ իր... դժբախտութիւնը: Եահը աւելի փախաւ քան թէ մեկնեցաւ այդ արիւնային, այնքան անկրթ աշխարհէն, լաւ հասկնալով, որ սուլթան Համիդ չէ պարսիկ բանաստեղծին այն վարդը, որուն քով մարդ կ'անուշահոտի: Եւ տեղն էր, որ հեգնօրէն ըսէր քէօփէ Համիդին՝ «չտէպ չգըր» ամուսնիքի:

Պալատեան երկիրներէն անցնելուն, Սօֆիա, Պէլլուատ աւելի սրալիր ընդունելութիւն գտած է քան սուլթանի մօտ:

Նորէն Ռուսաստան անցնելուն շահը անշուշտ քաղաքական նոր մկրտութիւն մը պիտի ընդունած ըլլայ: Լուր կայ նաեւ թէ շահը իր չօրը պէս այցելած է Էջմիածինը եւ տեսակցած է հայոց կաթողիկոսին հետ: Գուցէ պարսից շահը ուզած է ատով Համիդի արիւնաւոր տառապանքներուն դէմ՝ հաւաստիք մը տալ հայ ազգին՝ թէ ինք միշտ բարի տրամադրութիւններ կը տածէ դէպի հայ ժողովուրդը:

Եահին պոյտը Եւրօպայի մէջ սպասելի է որ բարոյական եւ հասարակական օգուտներ առաջ բերէ իրանի մէջ: Գուցէ, Մուլաֆֆէր-էդ-դին շահը ժամանակը եկած սեպէ Ռազմի թագաւորութեան Արքիմանի, այսինքն սուլթան Համիդի, թագաւորութեան սահմաններուն վրայ եւ ձգտէ հաստատել իրանի մեծութիւնը ցլազուլի վիթխարի սիւններուն վրայ, որոնք կը զարդարեն Պերսեպօլիսի աւերակները, իբր վկաներ Արեւաց աշխարհի հին ու մեծատարած կայսրութեան: Սակայն կը հաւատանք թէ երկու խալիֆաներու տեսակցութիւնը դրական հետեւանք չէ կարող ունենալ քացի այն լուրէն, որ Դուրը ուզեր է Պարսկաստանի մէկ քանի քաղաքներուն մէջ հիւպատոսութիւններ հաստատել... զանոնք անօթի ձգելու համար կամ շատ շատ տեղին միւսիւլմաններու մոլեռանդութիւնը վառ պահելու համար հայերուն դէմ:

Սուլթանֆէր-էդ-դին քաժար մը, գուցէ եւ տան երան մը ըսէին հին պարսիկները, որ կիշիւէ հին իրանի վրայ — պէտք չէ արհամարհ ընել իրան ցեղին հպարտութիւնը, որուն մէջ մեծութեան եւ ծաւալող հոգիի մը խմորը կայ: Անոր ծոցէն ելաւ Պապին, մեծ քարենորոգիչը, որ կախաղանի վրայ այնքան բարձր զգալով ինքզինք, արիական հպարտութիւնով կ'ըսէր. «խուժ ամբողջ ոտքերուս տակ կը սողայ»: Թիւրքը շարտադրեց այդ տեսակ բարձրութիւններ:

Նոր շահը փափաքելի է, որ դուրս հանէ երկիրը կղզիացումէն — ոչ անգլիական «հոյակապ կղզիացումը» — եւ քանայ իր սահմանները քաղաքակրթութեան հոսանքներուն առջեւ, հաւածէ ծիններ, փէրիններ, դեւերը եւ տայ նոր վերածնունդին մը այդ հիանալի, այլ... թուլցած եւ մարմնապաշտ ցեղին ու խել զայն բախտի շնորհազրկումէն: Ջրուանը, ծիշը է, խոշոր եւ խոր ակօսներ հերկած է անոր ծակտին վրայ եւ ըրած է զայն Ռեմիոյ լծին պէս անկենդան, քայց կարող է կանգնել, եթէ իրանի սիրուն մանուկները — որոնք աշխարհիս էն աղւոր եւ խելացի դարձցականները կը կարծեն — իրանը խեղդող մթնոլորտէն հեռու պահեն, հեշտութեան ծաղիկը քաղելէ առաջ դուրին քաղաքակրթութեան եւ ժողովրդասիրութեան ծշմարիտ ծամբուն վրայ եւ տան երկրին այն պայծառութիւնը, որ կը պակսի այսօր, աւաղ, մտքով պոտոր եւ աչքերով «բլշած» Պարսկաստանին, որ «անտարբերութեան ազատութեան» մէջ կեանքի եւ իշխանութեան զեղծում մը ի գործ կը դնէ:

Պարսկաստանը կրնայ դեռ եւս քարենորոգումներու ազդու եւ հաստատամիտ քայլով մը կենդանութեան ուղին դուրս ցատկել, եթէ չուզեր Անգլիոյ եւ Ռուսաստանի երկունքին միջեւ տրորել: ..

Մ Ա Մ Ո Ի Լ Ի Տ Ե Ս Ո Ի Թ Ի Ի Ն

Ք Ի Ի Բ Գ Յ Ե Ղ Ա Պ Ե Տ Մ Ը

Գերմանական արեւելեան միսիօնարութեան բերան Der christliche Orient ամսագրի յունիս-յուլիսի միացեալ թիւին մէջ՝ զօկտօր Լէպսիուս կը նկարագրէ իր ճանապարհորդութիւնը Հայաստանում և, իմիջի այլոց, իր մէկ տեսակցութիւնը Հէրնախի շէյխ-աղայի՝ Սօր Մեհմետ աղայի հետ, տալով նոյնպէս անոր լուսանկարը: Մեհմետ աղան, որ կ'իշխէ Միջագետքի և Վանայ նահանգին միջև տարածած երկրին վրայ, այդ կողմերու ամենահզօր ցեղապետն է և միակ քիւրդ շէյխը, որ՝ հակառակ կառավարութեան բոլոր ջանքերուն՝ մերժեց «համալի» գրուիլ Հահեկան կը համարին բերել հոս քանի մը քաղաքներ:

«Հալիլ իէ հովիտը ձգած էինք՝ դաշտի մէջէն երկու ձիււորներ հկան սրարչաւ, ճանապարհը կարեցին եւ

անոր մէկ դարձածքին քով մեր առջեւ ելան, Կե-
ցուցին մեզ եւ մենք կանգ առինք:

«Ո՛ւր կերթան ասոնք» — հարցուց ձիաւորներէն մէկը
մեր զաւթիցէյին: «Շատախ»: «Ովքե՛ր էք դուք»: — «Կա-
ռավարութեան պաշտօնականներ», ստեց մեր մարդը: «Պաշ-
տօնականներու ճանապարհը այս չէ, պաշտօնականները
Բիթլիսի եւ Սղերդի վրայով կ'երթան»: — «Էֆէնտիները
այս ճամբան ընտրեցին»: Ձիաւորները խուզարկեցին մեզ:
«Ո՛ւր հանդիպեցաք քեօչէրներուն» (Թափառաշրջիկ
քրդեր): Բացատրութիւն տւինք այս մասին: Արդարեւ,
մեր հաղորդումը թէ համիտիյէները միայն օրւան մը
ճանապարհ հեռու վրան զարկած էին չեղեց մեզմէ
ուշադրութիւնը երկու ձիաւորներուն, որոնք քրդերէն
կը խօսէին իրար հետ: Մանրամասնօրէն տեղեկացան
վրաններու թւին ու տեղին: «Որո՞ւ կը պատկանիք»,
հարցուցինք մենք: — «Մենք Մուհամէտ աղայի մարդիկն
ենք»: Ձիաւորները ցած ձայնով խօսակցեցան իրար
հետ: «Փնայեք ձեր ճամբան, սէլամ ալէյքում»: Քա-
ղաքավար ողջոյնով մը իրենց ձիերը քշեցին եւ քանի
մը ակնթարթ յետոյ անհետացան անտառապատ տա-
րածութեան մէջ:

Յաջորդ առաւօտ, երբ մենք ուղեցանք տեանիւ Սօր
Մէհմէտ աղայի հետ, աղան ընդունեց մեզ իր ընդու-
նարանին մէջ: Սկսեակին երեք կողմը երկար բազմոց-
ներ փռւած էին: Մէկ անկիւնը նստած էր աղան, որ
ոտքի ելաւ եւ հրաւիրեց զիս միւս անկիւնը տեղ բռնել:

Համիտիյէներու մասին խօսք բացաւ:

Մեզի դիմելով՝ հպարտութեամբ ու արհամարհանքով
հարցուց. «Երկրէն անցաք, գիւղեր գտա՞ք»: — «Ո՛չ»:
«Ցանքեր ու պարտէզներ գտա՞ք»: — «Ո՛չ»:
«Մար-
դեր գտա՞ք»: — «Ո՛չ. երկիրը մարդազուրկ է եւ ամայա-
ցած»: «Դիտէ՛ք ով ըրաւ այս. այս շուն համիտիյէ-
ներն էին: Երեք տարի առաջ էր, ինչպէս գիտէք, որ
հայերու արիւնը հոսեցաւ. մարտիներու երամի մը պէս
եկան հիւսիսէն եւ ամբողջ երկիրը լափեցին: Եթէ ես
պարսպի մը պէս անոնց դէմ չկենայի՝ ամբողջ երկիրը
մինչեւ Բաղդադ անապատ պիտի դարձնէին... Բայց
ովքե՛ր են այս համիտիյէները, մէջ բերաւ նա. եթէ
սուլթանին պատիւը չլինէր, ես զանոնք յարդի չիւղերի
պէս քշած կը լինէի»:

Յետոյ տեղեկութիւն տաւ թէ ինչպէս քեօչէրները
քրդական ամէնէն արհամարած ցեղն էին առաջ: Ամէն
տարի Մուսթաֆա փաշայի ցեղը իր սահմաններէն անցած
էր եւ չէր համարձակած մարդերու կամ հօտերու վրայ
յարձակիլ: Բայց այն օրէն, երբ սուլթանի զինուորները
դարձան եւ ամենալաւ հրացաններով զինւեցան, այն
օրէն, երբ Մուսթաֆա փաշան հայ գիւղերու կողմ-
պուտովը հարստացած ու ամբողջ երկիրը ամայացուցած
էր, անոնք երկրին տէրը լինել կարծած էին: Սկսած
էին նստակեաց քիւրդ ցեղերու հետ կռիւ բռնիլ եւ
չէին քաշիլ Նոյնիսկ քիւրդ գիւղեր թալանելէ: Ես
իմ երկրիս մէջ, ըսաւ Մէհմէտ աղան, ունիմ քրիս-
տոնեայ եւ մահմէտական գիւղեր: Ասոնք բոլորը — հայ,
ասորի, եգիպ, արաբ եւ քիւրդ — իմ զաւակներս են,
եւ ես անոնց հայրն եմ ու չեմ համբերիլ, որ անոնց
մէկ մազին անգամ միայն համարի: Եւ իրողութիւնն
էլ այս էր: Մէհմէտ աղան իր քրիստոնիայ գիւղերը
համիտիյէներու յարձակումներուն դէմ պաշտպանեց եւ
եգիպի գիւղի մը կողոպուտին պատճառով կռիւ բռնե-
ցաւ Մուսթաֆա փաշային հետ, որովհետեւ իր բողոք-
ները Պօլիս անկիւնի մնացին: Հետզհետէ գործը լրջացաւ
ու քիչ մնաց, որ քրդական պատերազմը ինչ պայթէր:
«Ի վերջոյ գրեցի Պօլիս — այսպէս վերջացուց Մէհմէտ
աղան — եթէ այս Մուսթաֆա փաշան հանդարտ չկենայ,
մենք մինչեւ մահ պիտի կռիւնք իրար հետ եւ կամ անոր
ցեղը կը մնայ կամ իմա՛ Նա աչեւս չպիտի համար-
ձակուի իմ երկրէն անցնելու»: Այսպիսով լուսարանեցաւ
մեր երէկւան հանդիպումը երկու ձիաւորներուն: Անոնք
աղային սահմանապահներն էին, որոնք կը հսկէին, որպէս
զի համիտիյէները իր սահմանները չմտնէին իր 5000
պատերազմիկներով աղան մինչեւ հիմա միշտ յաղթած

էր համիտիյէներուն: Մենք յետոյ ձեգիրէ իմացանք,
թէ ինչպէս զինագուլ եղած էր երկու մահացու թըշ-
նամիներու միջեւ:

Ի՞նչ է պատճառը, որ Մէհմէտ աղայի գիւղերը ապահով
կ'ապրին, որ այս գիւղացիները երկիրը կը մշակեն ու կը
հնձեն, այգիներ ու թզնիներ կը տնկեն ու երջանիկ
կենք մը կը վարեն: — Որովհետեւ «պաշտօնականներու
ճանապարհը այս չէ», որովհետեւ հոս թիւրք էֆէն-
տիներն ու հարկահանները գործ չունին: Աղան անձամբ
կ'որոշէ իր գիւղերու տուրքերը եւ կառավարութիւնը
ֆինիկ մը աւելի կամ պակաս չի առնէր»:

* * *

Մեզ հաղորդում են Փարիզից, տեղեակ աղբիւրից,
հետեւեալ ուրախալի նորութիւնը. — Նոյեմբերի վեր-
ջերից սկսած Փարիզում լոյս կը տեսնի Փրանսե-
րէն լեղումի մի նոր լրագիր՝ Pro Armenia անունով,
շեխուած հայոց հարցին և նրա պաշտպանու-
թեանը եւրօպայում: Լրագիրը կը հրատարակի երկու
շաբաթ մի անգամ: Այդ նոր օրգանի յաջողութիւնը
ապահովւած կարելի է համարել քանի որ նրան պիտի
մասնակցեն եւրօպական այնպիսի հռչակաւոր հրապա-
րակագիրներ, ինչպէս՝ Ժօրժ Կլէմանսօ, Անատօլ
Ֆրանս, Ժան Ժօրէս, Փրանսիս դը Պրէսանսէ,
Ուրբէն Գոհիէ և ուրիշներ: Լրագրի խմբագիրն է
հայոց հասարակութեան ծանօթ ֆրանսիացի գրող Պիէռ
Քիառ: Մանրամասնութիւնները հետեւեալ համարում:

Թ Ե Ր Թ Ո Ն

ՀԱՅԿԱԿԱՆ ՀԱՐՑԸ ՓԱՐԻԶԻ ՀԱՄԱԺՈՂՈՎՆԵՐՈՒՄ

(ՆԱԽԱԳ ԹՐԱՆՍԻԾՈՅԸ)

Համաշխարհային ցուցահանգէսը, որ բնականաբար
պիտի գրաւէր ամէն երկիրներից այցելուներ, յարմար
առիթ էր ներկայացրել բազմաթիւ ընկերութիւնների
և կազմակերպութիւնների համար համաժողովներ հրա-
ւիրելու Փարիզում: Հաշիւը պարզ էր, ուստի և յաջո-
ղութիւնը, ամենամեծ մասամբ, կատարեալ եղաւ: Գի-
տութիւն իր բազմաթիւ ձեւերով, արհեստներ, տեխ-
նիկա, հաղորդակցութեան միջոցներ, մամուլ, բարեգոր-
ծութիւն, դպրոց և հասարակական միջազգային բազմա-
տեսակ հիմնարկութիւններ՝ յուլիս ամսից սկսած մինչև
հոկտեմբերի կէսը՝ ցուցահանգէսի դահլիճներում կամ
Փարիզի այս կամ այն մասերում՝ ունեցան իրենց բազ-
մամարդ համագումարները:

Մի առանձին տպաւորութիւն էին գործում երկրա-
գնդի զանազան ծայրերից, զանազան ազգութիւնների
ներկայացուցիչներից բաղկացած այդ ժողովները: Որքան
և յուսատես լինի մարդ, չէր կարելի այդ ժողովներում
չնկատել, թէ որքան առաջադիմում է տարեցատարի
մարդկային ընդհանուր համերաշխութեան գաղափարը
և աճում, զօրեղանում է «մարդու» կուլտը ընդհան-
րապէս՝ ընդդէմ շովինիստական նեղ հակումների: Ծա-
պօնացին գերմանացու հետ, Արգենտինեան հանրապե-
տութեան քաղաքացին ֆրանսիացու հետ, Նորվեգացին
Աֆրիկայի արաբի հետ, Ամերիկայի եանկին բուլղարացու
հետ, իտալացին հայի հետ, անգլիացին ռուսի կամ
իւլանդացու հետ — բոլորը այդ համաժողովներում
իրար հասկանում, իրար ծափահարում, իրար մօտենում

նաև դէպի նրա ապագան: «Հայերը չեն մեռնի և չպիտի մեռնեն—ասա այն գիտակցութիւնը, որ հետզհետեւ աւելի լայն նւաճումներ է անում թէ ուսաց ինտելիգէնտ շրջաններում և թէ եւրօպական հասարակական կարծիքի մէջ: Եւ այս իր միտքը ապացուցանելու համար՝ նա մտաւ հայոց պատմութեան մէջ, յիշեց այն բոլոր քաղաքակրթական ծառայութիւնները, որոնք հայերը մատուցել են մարդկութեան և մանաւանդ Արեւելքին, պատմեց իր անձնական գիտողութիւնները ժամանակակից հայոց կեանքի մասին, մատնացոյց արեց որոշ հասարակական հոսանքներ, որոնք կազուում են յօգուտ հայրիկ, և վերջացնելով իր խօսքը, դարձեալ շեշտեց, որ՝ «նորինսկ այժմեան ծանր պայմաններում՝ հայ ժողովուրդը հեռու պէտք է պահի իրեն ուէ յուսահատութիւնից»...

Ոգևորած և բուռն ծափահարութիւններ:

ՄԻՋԱԶԳԻՍԹԻՆ ՍՕՑԻԱԼԻՍՏԱԿԱՆ ՀԱՄԱԺՈՂՈՎԸ

Սեպտեմբերի 23-ն է: «Վարդամի սրահում», որ մի վիթխարի շինութիւն է՝ բաղկացած երկու խոշոր դահլիճներից՝ իւրաքանչիւրը իր բնով, առաւօտեան ժամը 9¹/₂-ին հաւաքուում են միջազգային սօցիալիստական համաժողովի անդամները: Երկրագնդի բոլոր ծայրերից եկած լիազօր պատգամաւորներ, որոնք տեղ-տեղ ներկայացնում են միջինաւոր ձայնատուներից բաղկացած սօցիալիստական կանոնաւոր կազմակերպութիւններ, ժողովում են այդտեղ կուսակցական ընդհանուր խնդիրները քննելու և այդ խնդիրների շրջանում մի որոշ ընթացք նախագծելու ամբողջ աշխարհի սօցիալիստ կազմակերպութիւնների համար մինչև հետեւեալ համագումարը, որ տեղի պիտի ունենայ 3 տարուց յետոյ՝ Ամստերդամում: Պատգամաւորների ընդհանուր թիւը, ուր ֆրանսիացիք բնականաբար կազմում են մեծամասնութիւն, երկու հազար հինգ հարիւրից աւելի է: Ժողովին մասնակցում են՝ բացի ֆրանսիայից՝ Գերմանիա, Անգլիա, Աւստրիա, Իտալիա, Բելգիա, Ռուսաստան, Լեհաստան, Բօհեմիա, Չիլի, Գերմանիա, Գաննա, Գալիսիա, Բուլղարիա, Իսլանդիա, Նորվեգիա, Պորթուգալիա: Աւստրալիա, Ճապոնիա և ուրիշներ ուղարկել են իրենց ձայները: Պատգամաւորների թւում են յայտնի սօցիալիստ հրապարակախօսներ, գիտնականներ, պարլամենտական գործիչներ և կազմակերպութիւնների ղեկավարներ: Այդտեղ են՝ Գէդ, Վալթեր, Լաֆարգ, Վիլիամս, Ալման, Ժօրէս, Ժերօ-Բիշար, Ջէմբա, Գամբիա, Բրիան (ֆրանսիա), Կաուցկի, Ջինգէր, Դաւիդ, Աուեր, Փօլմար, Կլարա Յետկին (Գերմանիա), Էնրիկօ Ֆերրի, Անդրէա Կոստա (Իտալիա), Վանդերվելդ, Ֆիւռնէմօն (Բելգիա), Վան Կոլ (Հոլանդիա), Ադլեր, Սկառէ (Աւստրիա), Պէտ Կիւլան, Բիլլ, Հէյդմանն (Անգլիա), Պլէխանով (Ռուսաստան), Ռօզա Լիւքսեմբուրգ (Լեհաստան), Լիւսիէն Սանիալ (Ամերիկա) և ինչպէս Բացակայ են ամենայայտնի աստղերից՝ Բերէլ (հրահանգութեան պատճառով) և Բերնշտայն: Ժողովով հետաքրքրւում են նաև մամուլի բազմաթիւ ներկայացուցիչներ ու դահլիճի շուրջը պտտող երկայն գալէրէյում՝ ունկնդիրների ահագին բազմութիւն:

Մենք ընդունել ենք ժողովների դահլիճը առանձին տոմսակներով, իբր մամուլի ներկայացուցիչներ՝ «Դրօշակի» խմբագրութիւնից ստացած արտօնութիւնով:

Ժողովի օրակարգի 4-րդ կէտը վերաբերում է «Միջազգային խաղաղութեան», և մենք՝ տանջւած, կոտորուող հայ ժողովրդի զաւակներս՝ իբրև բողոքողներ սուլթանական ռէժիմի և այդ ռէժիմի յարատեւութեան մեղսակից բուրժուազական Եւրօպայի դէմ, վճռում ենք մեր խնդիրը ևս համաժողովի ուշադրութեանը առաջարկել չէ՞ որ դա «հայկական հարց» անունով յայտնի այն խնդիրն է, որ հէնց մի քանի տարի առաջ հարիւր հազարաւոր զոհերի անմեղ արիւնով խանգարեց խաղաղութիւնը Հայաստանում: չէ՞ որ դա այն խնդիրն է, որ այսուհետև ևս մշտական սպառնալիքների աղբիւր պէտք է լինի խաղաղութեան մեծ գործի համար: Այս նպատակով դիմում ենք համաժողովի բիւրօյին: Մեզ բացատրում են, որ ծրագրի իւրաքանչիւր կէտի համար բոլոր ազգութիւնների ներկայացուցիչներից ընտրւած առանձին մասնաժողովների գործն է՝ քննել նաև այժմութիւն ունեցող նոր առաջարկներ և համաժողովին ներկայացնել: Հարցնում ենք մասնաժողովի նախագահի անունը: Դա Վալթերն է, արգէն սպիտակահեր, բայց հոգով դեռ երիտասարդ Վալթերը, որը սօցիալիստական գաղափարին մատուցած իր ծառայութիւնների հետ, յայտնի է նաև իբրև 1870 թվականի Կոմունայի հերոսներից մէկը: Վալթերը՝ ուրախութեամբ յանձն առնելով մասնաժողովի առաջ դնել մեր խնդիրը, հաղորդում է մեզ նաև՝ թէ երբ է լինելու 4-րդ մասնաժողովի նիստը, և հրաւիրում է մեզ անձամբ ներկայ լինել այդ նիստին ու պաշտպանել մեր առաջարկը:

Սեպտեմբերի 26-ն է: Ճաշից յետոյ մենք ներկայանում ենք 4-րդ մասնաժողովի նիստին, որը, ինչպէս և միւս մասնաժողովները, պարապում է սրահի երկրորդ դահլիճում և որը գումարւած է արգէն առաւօտեան 9 ժամից: Ժամը 4-ին մասնաժողովը վերջացնում է իր քննելի խնդիրները, և նախագահ Վալթերն առաջարկում է կարծիք յայտնել հայկական կոտորածների, հայկական հարցի մասին: Մասնաժողովի անդամները ընդհանուր կերպով փոխանակում են իրենց կարծիքները և ապա խօսք են տալիս մեզ, որպէսզի հասկանան այն կօնկրէտ առաջարկը, որ մենք կուզենայինք անել ժողովին: Խօսում է մեր ընկեր Վարդանեանը: Մասնաժողովը՝ վճռելով օրակարգի մէջ մտցնել հայկական հարցը, միացնում է դրան նաև իր բողոքը լեհացիների, ֆինների և բօբերների վերաբերմամբ գործադրուող ճնշումների դէմ: Ամիջապէս խմբագրւում են ընդունւած վճիռները և համաժողովի մէջ ևս խօսելու իրաւունք են վերապահում մեր ներկայացուցիչին, եթէ կարիք լինի:

Համաժողովը այդ օրը ամբողջապէս զբաղւած է այն ամենատաք խնդրով, որ բոլոր ժամանակ յուզում էր ժողովականներին — այն է 9-րդ, կամ, ինչպէս ասում էին — «միսիստրական» խնդրով (Միլիերանի առիթով):

Հետեւեալ օրը Ճաշից յետոյ միայն ժողովը կարողացաւ անցնել միւս հիւթական հարցերին: Նախագահում է Վան Կոլ ժամը 2-ից ծեծւում են գաղութային և զինուորականութեան խնդիրները: Ահա վերջապէս ժամը 4-ն է: Նախագահը սաստիկ շտապում է, որովհետև այսօր վերջին օրն է և 2-3 ժամից յետոյ պէտք է փակի ժողովը, այն ինչ դեռ սեղանի վրայ են ծովային աշխատանքների կազմակերպութեան, ընդհանուր գործադրուի, ընդհանուր քուէարկութեան և ուրիշ

լուրջ խնդիրները: Ճնշած ազգերի վերաբերմամբ ընդունված առաջարկների մասին նա խօսք է տալիս ոչոքի և ինքը կարգում է միայն մասնաժողովի բանաձևները: Խնդիրը այնքան պարզ է, համայն աշխարհում բոլոր հալածողների վիճակը այնքան մօտ է սօցիալիստական կուսակցության սրտին, որ ժողովը հաշտության խաղաղության համաձայնագրի և բուռն, համերաշխ ծափահարությունների ընդունում ու վաւերացում է մասնաժողովի վճիռները: Ահա հայերի վերաբերմամբ ընդունված առաջարկը.

«Փարիզի սոցիալիստական միջազգային համաժողովը, վերստին շեշտելով եղբայրական համակրությունը զղացումները, որոնք պիտի միացնեն բոլոր ժողովուրդներին, գայրոյթով բողոքում է Հայաստանում կատարված բռնաբարությունների, խռովությունների ու ջարդերի դեմ, և մատնացոյց անելով երկու աշխարհների բանւորներին զանազան կապիտալիստ պետությունների ոճրագործ մեղսակցությունը, — հրաւիրում է պարլամենտական սօցիալիստ խմբերին ամէն մի ղեկավար միջամտել յօգուտ սնարգարար հարստահարւած հայ ժողովրդի, որին կոնգրէսը ուղղում է իր ջերմ ու սերտ համերաշխութեան հաւաստիքը»:

ՍՕՑԻԱԼԻՍՏ ՄԱՐՔՍԻՍԻ ՄԻՋԱԶԳԱՅԻՆ ՀԱՄԱԺՈՂՈՎ

Հոկտեմբերի 1-ին ցուցահանդեսի մէջ մամուլին յատկացրած առանձին դահլիճում բացվեց սօցիալիստական մամուլի առաջին համաժողովը: Ժողովականների մեծ մասը բաղկացած է նախորդ համաժողովին մասնակցող սօցիալիստ գրողներից: Ժողովը բաց է անում սօցիալիստ րապարակախօսների սինդիկատի ընդհանուր քարտուղար Վ. Ժակլեար, որ թէև արդէն ծեր, բայց իր պատանեկական աշխոյժով, զգացմունքների թարմութեամբ և գաղափարական հոգով՝ հմայում է հանդիսականներին:

«Դրօշակի» խմբագրությունը պաշտօնապէս հրաւիրւած է մասնակցելու այս համաժողովին:

Ժողովի օրակարգը վաղուց արդէն պատրաստ է:

Նրա 5-րդ կէտը, ուր խօսուում է սօցիալիստ մամուլի դերի մասին ընդհանուր խաղաղութեան և արտաքին քաղաքականութեան խնդիրներում, ազատ ասպարէզ է բաց անում նաև հայկական դատի համար: Այդ մասին վաղօրոք մենք արդէն յայտնել ենք համաժողովը կազմակերպող կարգադրիչ մասնաժողովին, որը ընդունել է նաև մի գրաւոր զեկուցում Տաճկաստանի մասին Aurore լրագրի աշխատակից և մեր բարեկամ Պիէռ Քիառից:

Համաժողովի երկրորդ և վերջին օրն էր, երբ հերթը հասաւ օրակարգի 5-րդ հարցին: Այդ օրը ժողովին նախագահում է Անդրէա Կօստա, իտալական յայտնի սօցիալիստ և պարլամենտական գործիչը: Պ. Քիառի բացակայութեան պատճառով նրա զեկուցումը ներկայացնում է ժողովին պ. Ժակլեարը և ժողովը ծափահարությամբ ընդունում է Պ. Քիառի առաջարկները: Ահա դրանք.

1. «Համաժողովը հրաւեր է կարգում միջազգային սօցիալիստական մամուլին հրապարակ հանել ամենալայն ծաւալով այն սարսափելի կոտորածները, որոնք կազմակերպւած էին սուլթան Համիդի ձեռքով՝ հայ ժողովուրդը ջնջելու համար. հրապարակ հանել ընդհանրապէս և այն եղեռնագործությունները, որ այս միապետը կատարել է իր պետութեան մէջ գտնւող

զանազան ազգութիւնների դէմ աշակից ունենալով բուրժուա կառավարութիւնների հաւանությունը:

2. Սօցիալիստական մամուլը կ'աշխատի առաջ բերել մեծ պետութիւնների միջամտութիւնը, որը բաղադրւած է ինչի սուլթանի դէմ, որպէսզի Տաճկաստանում հաստատուի մի տանելի ուժով օսոմանեան բոլոր քաղաքացիների համար՝ առանց խտրութեան ցեղի. ազգութեան և կրօնի»:

Պ. Քիառի այս առաջարկները, որքան և համակրելի լինէին ընդհանրապէս, բայց կարծես տաճկական ընդհանուր բարենորոգումների անւան տակ վարագուրում էին զուտ «հայկական հարցը» — այն հարցը, որ սրբագործւած է այսօր այնքան արիւնով և յենւում է միջազգային իրաւունքի վրայ: Հարկաւոր էր կրկին շեշտել զուտ հայկական խնդիրը, և ահա խօսք է խնդրում մեր ընկեր Վարդանեանը՝ ու արտասանում.

«Քաղաքացիներ, «Հայ Յեղափոխական Դաշնակցութեան» օրգան «Դրօշակի» խմբագրութեան կողմից պատիւ ունիմ ողջունել սօցիալիստական մամուլի առաջին միջազգային համագումարը: Իբրև մէկ անդամ այն կազմակերպութեան, որ տասը տարուց ի վեր կռիւ է մղում ասիական ամենապզգալի բռնապետութեան դէմ, ես այս ամրիոնն եմ բարձրանում ոչ թէ հայ ժողովրդի տառապանքները նկարագրելու կամ նրա դատը փաստաբանելու. մեր վիճակը իր անօրինակ ողբերգական թշուառութեամբ ձեզ ծանօթ է արդէն: Ես գալիս եմ ձեր առջև բարձրաձայն յայտարարելու, որ հայկական կուռի յարատեւումը մշտնջենական վտանգ է միջազգային խաղաղութեան համար, որովհետև այդ կուռը պէտք է շարունակի՝ հակառակ պետութիւնների ջանքերին՝ պահպանելու *statu quo*, Օսմանեան կայսրութեան մէջ: Ահա թէ ինչու սօցիալիստական մամուլի միջազգային համաժողովը իր ձեռքն առնելով հայկական դատի պաշտպանութիւնը, ոչ միայն կը վարւի համաձայն արդարութեան ու համաշխարհային միաբանութեան, այլ և միանգամայն կը նպաստէ գործնական մի խնդրի լուծման, — նա կը նպաստէ Խաղաղութեան Դործին:

«Ամէնքդ էլ գիտէք, քաղաքացիներ, որ մի քանի շաբաթ առաջ Պոլսոյ Մեծ Մարդասպանը իր գահակալութեան 25-ամեակն էր տօնում, որ ջատագովումն էր իր սպանութիւնների, գիտէք և այն, որ այդ հանդիսաւոր տօնախմբութեանը Եւրօպայի գահակալները ևս աճապարեցին մասնակից լինել: Մեր գահիճների այդ սրտաշարժ համերաշխութեանը պէտք է՞ արդեօք ընդդիմադրել նրանց զոհերի համերաշխութիւնը... (Ժախահարութիւններ):

«Որքան ուրախացանք մենք, երբ միջազգային սօցիալիստական համաժողովը իր վերջին նիստում պարտք համարեց իր ջերմ, սրտագին համակրանքը յայտնել հայ ժողովրդին, պարտաւորեցնելով միաժամանակ պարլամենտների սօցիալիստ կուսակցութիւններին՝ միջամտել ամէն առիթով յօգուտ հայկական հարցի: Ուրախ ենք, որ ներկայ համաժողովը ևս ընդունեց համարեա նմանօրինակ մի որոշում: Այո, քաղաքացիներ, սօցիալիստական մեծ կուսակցութեան անհրաժեշտ պարտականություններից մինն է՝ ընդարձակ և անդադրում պրօպագանդ մղել ի նպաստ հայերի՝ հանդէպ այն հսկայական ողբերգութեան, որ խաղացւում է Հայաստանում: Ասացէք ամէն տեղ,

ձեր ժողովներում և ամբողջ աշխարհի սօցիալիստական մամուլի մէջ, որ կայ մի ժողովուրդ մօտ Արևելքում, երբեմն խրախուսած այժմեան Եւրօպայից, ապա վերստին մատնւած մի մարդակեր Տրէշի անգլիականը: Պատմեցէք ամէն տեղ այդ Տրէշի ոճիրները, որոնք գերազանցում են Նոյնիսկ Լանկաշիրի ու Չինգիսխանների սխրագործութիւններից, և արձագանք տալով մարտնչող հայ երիտասարդութեան ձայնին, թող մի տաք, որ ժամանակակից գիշատիչների ձեռքով բնաջինջ լինի ազատութեան ու քաղաքակրթութեան ձգտող մի հին ժողովուրդ — հայ ժողովուրդը: . . .

Բուռն ծափահարութիւններ: . . .

ՄԱՐԴԿԱՅՆՈՒԹԵԱՆ ՀԱՄԱԺՈՂՈՎ

Այս Համաժողովը, որի նիստերը տեղի էին ունենում «Գիտնականների ընկերութեան» հիւրանոցի դահլիճում (Սեռպանտ փողոց), ամենաերկարատե Համագումարներից մէկը եղաւ: Նա տեւից սեպտեմբերի 23-ից մինչև հոկտեմբերի 5-ը՝ շօշափելով բազմաթիւ խնդիրներ կանանց հարցի, հասարակական տնտեսութեան, առողջապահութեան, բարոյականութեան, հրապարակաստութեան, կրթութեան և ինչպէս թուի: Ժողովներին նախագահում էր կոմս Դը-Փոփեր, փոխ-հիւպատոս, «Գիւլանագիտական նամակներ» հանդէսի խմբագիրը:

Ինկատի ունենալով այն մարդասիրական նպատակները, որոնց անունով ժողովւած էր այդ Համագումարը, մեր հայրենակից պ. Առաքելեան, իբրև ժողովի անդամ, արտօնութիւն ստացաւ Համաժողովի բիւրօյից՝ մի զեկուցում անել նաև տաճկահայերի գրութեան մասին:

Հոկտեմբերի 4-ին պ. Առաքելեան կարդաց իր զեկուցումը՝ «Հայերի վիճակը Թիւրքիայում» վերնագրով: Ատենաբանը՝ համառօտ կերպով ծանօթացնելով Համաժողովի անդամներին հայ ազգի և նրա պատմութեան հետ, անցաւ նկարագրելու այն սարսափելի վիճակը, որի մէջ այդ ազգի մեծագոյն մասը գտնւում է Թիւրքիայում: Նա յայտնեց, որ Թիւրքիայի ներկայ սուլթանը, կամենալով վերջ տալ հայոց հարցին և արգելել պետութիւններին միջամտելու Թիւրքիայի գործերի մէջ հայկական հարցի առիթով, յղացել է մի դժոխային միտք — կոտորել, ջնջել ամբողջ հայ տարրը, մտածելով, որ երբ այլևս հայ չմնայ, հայոց հարց ևս չի լինի: Իր այդ դժոխային ծրագիրը սուլթանը գործադրում է ամենայն աջողութեամբ 1894-ից սկսած, կազմակերպելով նախ ընդհանուր կոտորածներ և այժմ, շարունակաբար, մասնակի կոտորածներ: Իբրև ապացոյց, ատենաբանը կարդաց քաղաքների զանազան լրագրիներից վերջերս Սասունում, Սպաղանք գիւղում, կատարւած կոտորածների մասին: Ատենաբանը կոչ արեց եւրօպական հասարակութեան խղճմտանքին և հրաւիրեց համաժողովի անդամներին ու մարդկութեան բոլոր բարեկամներին ամէն միջոց գործ ղենել արգելելու այնպիսի մի սարսափելի ոճիր, ինչպիսին է մի ամբողջ խաղաղ, աշխատասէր և քրիստոնեայ ժողովրդի բնաջինջումը կոտորածի միջոցով, մի արիւննուշտ գաղանի ձեռքով:

Համաժողովը վարձատրելով ատենաբանին երկար ծափահարութիւններով, միաձայն քուէարկեց հետևեալ որոշումը.

«Մարդկայնութեան համաժողովը, նկատելով՝

1. Որ հայերը Տաճկաստանի մէջ չեն դադարում հալածւելուց եւ ենթակայ են բարբարոսութիւնների ու անգլիութիւնների:

2. Որ դժբախտ հայերը չեն դադարում մորթւելուց, կախուցուց եւ այրելուց, —

Նշաւակում ու դատապարտում է այս բարբարոսութիւններն ու վայրագութիւնները և ցանկութիւն է յայտնում, որ բոլոր այն մարդիկ, որոնք մարդկայնութեան գիտակցութիւն ունեն, գործեն մարդկայնութեան դէմ կատարւող այս ոճիրներին վերջ տալու համար:

Մարդկայնութեան համաժողովի որոշումները ուղարկւելու են բոլոր պետութիւններին:

ԻՍԼԱՊՈՒԹԵԱՆ ՀԱՄԱԺՈՂՈՎ:

Խաղաղութեան համար բազմաթիւ երկրներում գործող մարմիններից կազմւած այս «խաղաղ» համաժողովը, համարձակ կարելի է ասել, ամենանշանաւորն էր իր կարգի հիմնարկութիւնների մէջ: Մասնակցում էին ժողովին Գերմանիա, Արգենտինա, Բելգիա, Գանժարկ, Իսպանիա, Միացեալ Նահանգներ, Ֆրանսիա, Մեծ-Բրիտանիա, Յունաստան, Ունգարիա, Իտալիա, Նորվեգիա, Հոլանդիա, Փորթուգալիա, Ռումանիա, Ռուսաստան, Սերբիա, Շվեյցիա, Չեխոսլովակիա: Այս բոլոր երկրներում ցրւած խաղաղութեան բազմաթիւ ընկերութիւնները անդամակցութեան, գործակցութեան են գրաւել գիտութեան, գրականութեան, քաղաքական և հասարակական գործունէութեան մէջ ամենայայտնի մարդիկ՝ սկսած մինիստրներից, դիւանագետներից, և բուրժուազիայի յայտնի ներկայացուցիչներից մինչև կարմիր գոյնի սօցիալիստներ (Փերրի, Վանդերվելդ և ինչ): Համաժողովը գործում է համաձայն միջազգային օրէնքների, նպատակ ունենալով մշակել, լայնացնել այդ օրէնքները և վերջի վերջոյ ազգերի մէջ փոխադարձ դժգոհութիւնների հետեւանք — պատերազմները՝ փոխարինել միջազգային միջնորդ դատարանով:

Ներկայ համաշխարհային ժողովը թուով 9-րդն է և, ինչպէս միշտ, ներկայ դէպքում ևս կիսապաշտօնական բնաւորութիւն ունի. նա գտնւում է Ֆրանսիական կառավարութեան հովանաւորութեան տակ: Ահա ինչու ժողովի նիստերը յանուն կառավարութեան բացեց սեպտեմբերի 30-ին Ֆրանսիական մինիստր Միլիերան, որից յետոյ կարգացւեցին նաև հանրապետութեան նախագահ Լուբէյի և արտաքին գործոց նախարար Գելկասէի նամակները, որոնցով նրանք ցաւ էին յայտնում, որ Փարիզից բացակայ գտնւելով՝ անկարող են ներկայ գտնւել համագումարի բացման:

Այդ ժողովին մասնակցող պ. Առաքելեանը՝ օգտւելով օրակարգի 10-րդ կէտից, որը թող էր տալիս խօսելու «չնախատեսւած հարցերի» մասին, նախ քան համագումարի բացւելը, ներկայացրել էր կարգադրիչ մասնաժողովին մի յիշատակագիր «Հայկական հարցը խաղաղութեան տեսակէտից» վերնագրով: Յիշատակագիրը ստորագրել են 18 հոգի, որոնց թուում են 11 հայ և հետևեալ յայտնի անձնաւորութիւնները օտարներից — Պետերբուրգի գիտութիւնների ճեմարանի թղթակից-անդամ պրօֆէսոր Մաքսիմ Կովալէվսկի, Մոսկվայի «Ռուսսկիա Վեդօմօստի» լրագրի խմբագիր Վ. Սոբօլեւսկի, Բրիւսսէլի համալսարանի պրօֆէսոր Ե. Դը-Բօբերտի, հրապարակաօս-սօցիոլոգ Գ. Նօվիկով, միջազգային իրաւունքի պրօֆէսոր Բրիւսսէլում Հ. Լաֆօնէն, ազգերի

մէջ իրաւարար ատեան հաստատելու ֆրանսիական ընկերութեան քարտուղար՝ պրոֆէսոր Լ. Մառիլիէ, ֆրանսիական խաղաղութեան ընկերութեան նախագահ Լիւսիէն Լէ-Փուայէ:

Համագումարի այն մասնաժողովը, որ պէտք է քննէր բոլոր նոր առաջարկութիւնները, գտաւ, որ հայկական հարցը իսկապէս կարելի է ընդունել «չնայած նախնական հարցերի» շարքը, որոնք ունեն այժմեութեան բնաւորութիւն և որոշեց ներկայացնել համաժողովին:

Հոկտեմբերի 5-ն է: Համաժողովների համար ցուցահանդէսում յատկացրած հագին դահլիճում հաւաքւած են բազմաթիւ ժողովականներ և ունկնդիրներ: Նախագահում է յայտնի գիտնական ֆիզիոլոգ Շարլ Ռիշէ, պատւաւոր նախագահ է Ֆրեդերիկ Պասսի: Ժամը մօտաւորապէս 4-ին ճաշից յետոյ նախագահը սեղանի վրայ է դնում «հայկական հարցը» և հրաւիրում է պ. Նովիկովին կարդալ ընդունւած յիշատակագիրը: Բերենք այստեղ այդ յիշատակագրի ամփոփումը.

Հայերի դրութիւնը ծաճկահայաստանում այն խնդիրներից մէկն է, որ ամէնայն իրաւամբ արժանի է համաշխարհային խաղաղութեան ձգտող մի համաժողովի ուշադրութեան: Եւ ներկայ համաժողովը ոչ միայն իրաւունք ունի հայկական դժբախտ խնդիրը շօշափելու, այլև նա պարտաւոր է այդ անել: Իրաւունք ունի, որովհետև մեր խնդիրը ունի պետութեան վերաբերող ներքին խնդիր չէ, այլ միջազգային իրաւունքի հարց, հաստատւած Բերլինի դաշնագրի 61-րդ յօդուածով ու 1895 թւի մայիսի 6-ին մեծ պետութիւնների ձեռքով մշակւած և նոյնիսկ սուլթանից ստորագրւած բարենորոգումների ծրագրով: Պարտաւոր է, որովհետև խաղաղութեան նախկին ժողովներում ընդունւած վճիռների և միջազգային օրինագրում տեղ գտած 17-րդ յօդուածի համաձայն՝ «Ազգերը իրաւունք ունին մի պետութեան համար, որը պատճառում է փնաս մի ուրիշին իր եկամուտները վատնելով կամ որը կազմակերպում է կամ թոյլ է տալիս իր հպատակների մի մասի կոտորած, — հաստատել հոգաբարձական խորհուրդ»:

Մենք չենք առաջ բերի այստեղ հայերի կրած տառապանքները, այն սպանդանոցները, որ 1894 թւից սկսած սահմանւած էին հայերին մորթոտելու համար, արեան այն գետերը, որ միշտ հոսում են Հայաստանում մինչև Սասունի վերջին կոտորածը Սպաղանքում — տալիս են հայկական հարցին մի ցաւազին այժմեութիւն: Մենք չենք էլ փաստաբանի հայերի իրաւունքները, որովհետև բոլորիդ յայտնի է մեծ պետութիւնների խոստացած հովանաւորութիւնը մարտիրոս հայ ժողովրդին: Մենք կը պնդենք միայն, որ այն ժամանակ, երբ հայերը գիտակցում են իրենց իրաւունքները, այն ժամանակ, երբ նրանք սպանիչ մի լուծի տակ, զոհւած են գոյութեան ամենատարրական պայմաններից, բնական է, որ նրանք ստիպւած են լարել իրենց բոլոր ուժերը, որպէսզի կամ իրենց համար մի տանելի դրութիւն ձեռք բերեն և կամ ջնջեն, անհետանան աշխարհի երեսից: Եւ այս պայմաններում, պարոններ, միթէ՞ գտնում էք դուք, որ համաշխարհային խաղաղութեան մեծ գործի համար մըշտական մի սպառնալիք չէ նաև հայկական դատը: Բայց աւելք այդ ժողովրդին ապրելու և իր աշխա-

տանքի արդիւնքներից օգտւելու կարելիութիւն, և նա կը նւիրի Արևելքում քաղաքակրթութիւն տարածելու իր պատմական կոչման: Աւելի հեղինակաւոր ձայներ, քան մեր ձայնն է, ձեռք կը հաստատեն, որ այս ժողովուրդը իր անցեալով, իր արագիցիաներով և ընդունակութիւններով միանգամայն կանգնած է այն բարձրութեան վրայ, որը համապատասխանում է այդ կուլտուրական դերին, և որ նա ամէն անգամ, երբ նրան թողել են մի փոքր հանգիստ, նա ամենայնող կերպով քաղաքակրթութեան միջնորդ է հանդիսացել լուսաւոր Արևմուտքի և խաւար Արևելքի միջև: Բայց չէ, մեր նպատակը չէ մի կոչ ուղղել դէպի ձեռք. ներկայ խաղաղութեան համաժողովի խնամակալ կոմիտէի ցանկում մենք տեսնում ենք բազմաթիւ անձնաւորութիւնների անուններ, որոնք ֆրանսիայում և ուրիշ երկիրներում խօսքով ու գրչով բարձրաձայն արդէն վկայել են իրենց համակրութիւնը դէպի մեր դժբախտ ժողովուրդը: Մեր ցանկութիւնն է, որ այժմ, երբ այդ բոլոր անձնաւորութիւնները ժողոված են այստեղ, միացեալ ուժերով և աւելի ջերմ քան երբեք, գծագրեն որոշ գիմումներ և ջանքեր, որոնց նպատակը լինի ներգործել կառավարութիւնների ու հասարակաց կարծիքի վրայ և ազատել վերջապէս հայ ժողովուրդը իր ներկայ վիճակից:

Զեկուցումը կարդալուց յետոյ Պ. Նովիկովը առաջարկեց համագումարին հետևեալ որոշումը, որը մշակել էր զեկուցումը քննող մասնաժողովը.

«Խաղաղութեան Պ-րդ համաշխարհային ժողովը, ծանօթանալով պպ. Գամբարիանի, Կովալեւսկու, Սօրօլեւսկու, Լա-Պոնտէնի, Դը-Սօրէրտի, Նովիկովի, Լիւսիէն Լէ-Փուայէի, Առաքելեանի, Լորիս-Մելիքեանի եւ ուրիշների յիշատակագրին, կարծիք է յայտնում, որ հայերի կոտորածները ներկայացնում են վերջին ժամանակներումս կատարւած ամենապարշտի գործերից մէկը: Համաժողովը յայտնում է իր համակրութիւնը այս դժբախտ ժողովրդին եւ փափաքում է, որ տաճկական կառավարութիւնը հարկադրի յարգել հայերի անխտելի իրաւունքները, որոնք երաշխաւորւած են Բերլինի դաշնագրով»:

Համաժողովը միաձայն ընդունում է այս առաջարկը: Բայց ահա խօսք է խնդրում նախագահից ռուս յայտնի փիլիսոփայ ու սօցիոլոգ Դը-Սօրէրտին, մի շատ յարգւած անձնաւորութիւն, և դիմում է ժողովին հետևեալ ազդու խօսքերով, որ մենք բերում ենք համառօտակի.

Այն դժբախտ հարցը, որ յայտնի է «հայկական հարց» անունով, ինձ թւում է, որ պահանջում է մեզանից աւելի խիստ որոշում, քան մասնաժողովի կողմից մեզ առաջարկածը: Ինձ թւում է, որ խեղճ Հայաստանը, ինչպէս միշտ, ներկայ դէպքում ևս զոհւում է այժմեութիւն ունեցող բօրեական և չինական այն երկու հարցերին, որոնցով մենք զբաղւեցանք այնքան երկար: Սակայն հայկական հարցը պակաս հետաքրքիր չէ քան բօրեականը: 300 հազար մարդ, կին և երեխաներ՝ մատնւած սրի բերանին մի վեհապետի հրամանով — սա մի աւելի սոսկալի երեւոյթ է, որ պէտք է մոռցնենք համաշխարհային գիտակցութիւնը: Ի՞նչ պէտք է ասէ մեր ժամանակների մասին անողորմ պատմութիւնը: Եւրօպան վաղուց իվեր պարտաւորւել է ապահովել Հայաստանի խաղաղութիւնը, ստիպելով ծաճկաստանին բարենորո-

գումներ մտնել երկրում: Ինչո՞ւնա չէ արեւ այդ մինչեւ այժմ: Անտարբերութեան և վատութեան այս ի՞նչ հողմ է, որ փչում է մեր օրերում քաղաքակրթ-ւած աշխարհի վրայ. այս ի՞նչ անզգայութիւն է, որ թոյլ է տալիս մեզ սառնասիրտ ականատես լինել ամենասոսկալի ոճիրներին: 2է, տիկիներ, և պարոն-ներ, մենք պարտաւոր ենք աւելին անել հեկատոմբների և աւերակների տակ թաղած Հայաստանի համար, և ես առաջարկում եմ մասնաժողովի որոշման աւե-լացնել նաև հետեւեալը՝.

«Համաժողովը ցաւում է, որ պառակտումը, նա-խանձը և իւրաքանչիւր պետութեան մասնաւոր շահերի նեղ հասկացողութիւնը խանգարել են վերո-յիշեալ դաշնագրերը ստորագրող կառավարութիւն-ներին կատարել իրենց ամենաճշգրիտ պարտական-նութիւնները դէպի մի ժողովուրդ, որին հովանաւո-րելը ստիպողական է նրանց համար, համաձայն մի պաշտօնական պարտաւորութեան, որ ունի օրինական արժէք: Համաժողովը յոյս ունի, որ համաշխարհային խղճի արթնացումը և քաղաքակրթ աշխարհի զայ-րոյթը կը մղեն վերջապէս եւրոպական կառավարու-թիւններին մի արմատական վճիռ տալու հայկական ցաւագին հարցին, ինչպէս այդ տեղի ունեցաւ դեռ վերջերս Կրէտէի համար»:

Պ. Ռօբէրտիից յետոյ դիմում է համաժողովին թիւր-քաց «Մէշլէրէթ» լրագրի խմբագիր պ. ԱՏմէդ-Ռիզան և սկսում է իր ճառը մի ո ս տ ի կ ա ն ա կ ա ն յայ-տարարութեամբ: «Զարմանում եմ — ասում է նա — որ մասնաժողովի երէկայի նիստին հայերի առաջարկը քննելիս՝ ռուսաց կառավարութեան ներկայացուցիչ պ. Ռաֆալովիչը պահանջում էր մասնաժողովի առաջարկում մտնել նաև Ա. Ստեֆա՝ օյի դաշնագրութիւնը, թէև Բերլի-նից յետոյ այդ դաշնագրութիւնը այլևս գրութիւն չունի: Ել աւելի զարմանում եմ, որ մասնաժողովի որոշման ձայն տւեց այդ «պաշտօնական պատգամաւորը», որի կառավարութիւնը հակառակեց Անգլիային 1895 թւի մայիսեան ծրագիրը իրագործելու խնդրում»:

Անկասկած. Ստամբուլի լրտեսական նախասենեակնե-րում իշխող բարոյական դժգոհներին աւելի հաւատա-լով՝ քան մարդկային մտքի ու խղճի պահանջներին, պարոնը ուզեց իր այդ յայտարարութեամբ ասել, որ ռուս կառավարութեան ինտրիգներն են ստեղծել և այսօր համաժողովի առաջ բերել իր, ԱՏմէդ-Ռիզայի, ինչպէս նաև սուլթան Աբդուլ-Համիդի համար, ատելի «հայկական հարցը»: Արևելեան այլասեռած կուլտու-րայի մի զաւակի հաշիւ էր դա: Համաժողովում կան բազմաթիւ համակրելի, բայց ռուսատեաց տարրեր — ան-գլիացիներ, ֆրանսիացիներ և շնչաւոր ճահագրած նրանց հակառուսական տրամագրութիւնները և այդպիսով յետ մղել «հայկական հարցը» — ահա այդ հաշիւը: Եւ բարոյական այդ տիպարի մարդն է, որ ինքն իրեն համարում է «երիտասարդ թիւրքերի» ներկայացուցիչ: այդ մարդն է, որ տարիներով փարիզում ընկած՝ ուրիշ ոչինչ չգիտէ, բայց եթէ հայերի հասցէին ուղղած ստոր զօպարտութիւններով՝ շահագործել մի շարք յարգելի մարդկանց հաւատը, արդ վատ թիւրքն է — թող ներեն

մեզ ազնիւ թիւրքերը — որ խաղաղութեան համաժողովի բացման օրից ևս՝ առաւօտեանից մինչև երեկոյ՝ չէր հեռա-նում դահլիճից, ուզենալով անշուշտ իրեն յատուկ միջոցներով եթէ ոչ իր ազգի համար էլ մի բան անել, գոնէ լռեցնել մի ուրիշ ազգի բողոքը — հայկական բողոքը: Եւ ո՞վ գիտէ մինչև ո՞ր կը գնար իր հրապա-րական ինստիտուցիաներում պ. Ռիզան, բայց ժողո-վականների շըռոցներ ու բողոքները կանգնեցրին նրան և նա տօնը փոխած շարունակեց այսպէս. —

«Համաժողովը չպէտք է զբաղի Տաճկաստանում ապ-րող առանձին ազգութիւնների խնդրով այն հիման վրայ, որ այնտեղ պայմանները բոլոր ազգութիւնների համար միևնոյն են: Հայերի համար առանձին բարե-նորոգումների խնդիրը միտք չունի վերջապէս այն տե-սակէտից, որ հայերը ոչ մի տեղ մեծամասնութիւն չեն կազմում»: Ահա ինչու, պ. ԱՏմէդի կարծիքով, համա-ժողովը աւելի նպատակայարմար ընթացքի կը հետեւէր, եթէ՝ մերժելով մասնաժողովի և պ. Ռօբէրտիի առա-ջարկները, ընդունէր հետեւեալ որոշումը.

«Համաժողովը ցաւում է, որ մեծ պետութիւնները փոխանակ նպաստելու ընդհանուր բարենորոգումների իրագործմանը Տաճկաստանում, առանց խտրութեան ազգի և կրօնի, պաշտպանել են և պաշտպանում են կամայական ռէժիմը մի սուլթանի, որ սխտէմատի-քաբար հակառակում է քաղաքական կամ հասարա-կական ունեւ բարելաւութեան և որը իսկական պատ-ճառն է այն վարչական անկարգութիւնների և դժ-բախտութիւնների, որոնք ծնւում են մուսուլմաններին նոյն չափով, ինչ չափով և քրիստոնեաներին»:

Պարոնին պատասխանում են՝ պրօֆէսոր Մառիլիէ, Միքայէլ Յովհաննիսեան և «Անահիտ» հանդէսի խմ-բագիր պ. Զօպանեան, պոլսեցի:

Պրօֆէսոր Մառիլիէն մի փայլուն ճառի մէջ շեշտում է, որ ինքը միանգամայն հակառակ է պ. ԱՏմէդ-Ռիզայի առաջարկութեան ու ջերմ կողմնակից մասնաժողովի և Ռօբէրտիի կարծիքներին: «Ժողովը չպէտք է մոռանայ — ասում է յարգելի պրօֆէսորը — որ թիւրքիան այն երկրներից է, որոնք իրենց ընդհանուր բարեկարգման համար պահանջում են անորոշ երկար ժամանակ, այն ինչ հայերի զրութիւնը կարօտ է անմիջական օգնութեան, և եթէ այդ օգնութիւնը չտրւի նրանց, նրանք կը ջնջւեն ամենամօտիկ ժամանակում: Դրա համար հարկաւոր էլ չէ, որ վերանորոգւեն 1895-1896-ի ընդհանուր կոտորածները: գրա համար միանգամայն բաւական են այն մասնակի կոտորածները, ընդհանուր թշաւութիւնն ու անապահովութիւնը, որոնք անընդ-հատ իշխում են գոթախա Հայաստանում: Ահա ինչու համաժողովը իր որոշումներում միանգամայն առանձին համաժողովը իր որոշումներում միանգամայն առանձին տեղ տալով «հայկական խնդրին», կը կատարի միմայն իր ամենատարրական, անհրաժեշտ պարտականութիւնը, եթէ մի անյարմարութիւն կայ պ. Ռօբէրտիի յաւելումի մէջ — Կրէտէի օրինակը, որ գուցէ վէճերի առիթ տայ — համաժողովը կարող է իբրեւ ելակէտ ընդունել 1895 թւի մայիսեան ծրագիրը, — մի ծրագիր, որը մշակել և ստորագրել են թէ պետութիւնները և թէ ինքը սուլթանը: Եւ եթէ մեծ պետութիւնները հայերի համար անհրաժեշտ բարենորոգումների կարիք էին զգում դեռ 1895 թւի սկզբին, ապա ուրեմն դրանից յետոյ տեղի

ունեցած աներևակայելի անգթութիւնները աւելի ևս հարկեցուցիչ են դարձնում 61-րդ յօդաւորի հիման վրայ հայերի համար պահանջող բարեփոխումների և ապահովութեան երաշխաւորութիւնները՝

Միահամուռ ծափահարութիւններ:

Պ. Մ. Յովհաննիսեանը, կամենալով հայկական և թիւրքական հարցերը որոշապէս զատել, ասաց հետեւեալը.

«Տիկիներ և պարոններ. Թիւրք պատգամաւորի խօսքերը ձգտումն ունին ի մի ձուլել հայկական և ընդհանուր տաճկական խնդիրները — երկու խնդիրներ, որոնք էապէս տարբեր են իրարից: Մինչդեռ Օսմանեան կայսրութեան ընդհանուր բարենորոգումը տեղական մի խնդիր է, որ վերաբերում է սուլթանների ներքին քաղաքականութեան — հայկական հարցը վաղուց արդէն մտած է միջազգային իրաւունքի մէջ: Նա դրւել է պաշտօնապէս դիւանագիտութեան կողմից դեռ 22 տարի սրանից առաջ և Եւրոպան հանդիսաւոր պարտականութիւններ է ստանձնել միջամտելու շարունակ յօգուտ հայերի: Բայց մի մոռացէք մանաւանդ, տիկիներ և պարոններ, այն բարձրագոյն փաստը, որ հայութիւնը տւել է 300,000 զոհ՝ խողխողած օսմանեան վեհապետի հրամանով: Միմիայն այդ քարոզը, որ մեծագոյնն է մարդկային պատմութեան արհաւիրքներից՝ հոգի ու մարմին է տալիս Բերլինի դաշնագրի 61-րդ յօդաւորին. . . Վարելի՞ է վերջապէս այնքան մօտ համեմատութիւն դնել հայ և թիւրք ժողովուրդների վիճակի մէջ: Այն ժամանակ, երբ, միւս հաւասար պայմաններում, թիւրքերը լիակատար կերպով օգտուում են իրենց նախնական-մարդկային իրաւունքներից — այսինքն՝ ունեն ապահովութիւն կեանքի և ստացւածքի, — Հայաստանը մեթոդիք բնաջնջման բեմ է ներկայացնում. ամբողջ հայ ժողովուրդը — խաղաղ և անզէն — մատնւած է Կարմիր հրէշի գազանութիւններին. . . Այո, տարբերութիւնը երկու դրութիւնների մէջ խոր է, անվերածելի: Համաժողովը պարտաւոր է ուշադրութեան առնել այդ տարբերութիւնը և չմոռանալ, որ տիեզերական խաղաղութեան նպատակներից շատ հեռու է մի դրութիւն, ուր հայերը շարունակում են հեծկլտալ մի բարբարոս ուժի միտքով, որը այնքան անգամ նշաւակել է քաղաքակրթւած աշխարհի ամենահեղինակաւոր ձայներով»:

Ջերմ ծափահարութիւններ:

Պ. Չօպանեանը յայտնում է, որ պ. ԱՅմեդ-Ռիզան իր ընդհանուր առաջարկութիւնը հանդէս բերելով՝ ուզում է խանգարել հայերին և այդ պատճառով նա այլևս չէ յարգելու պ. Ռիզային, ինչպէս յարգում էր մինչև այժմ (Տրոուեններ): Բայց ժողովը պէտք է ինկատի ունենայ հայերի ծանր կացութիւնը և կայացնի առանձին որոշում:

Նախագահ Շարլ Ռիշէն դէմ չէ պրօֆէսոր Դը-Ռօբերտի յաւելման, միայն անյարմար է գտնում Կրէտէի դէպքի յիշելը: Դը-Ռօբերտի առաջարկում է «դիւանագէտների ձեռքերը չկապելու» համար, այդ համեմատութեանը աւելացնել «որինակ» խօսքը:

Պատւաւոր նախագահ Պասսին — մի զառամեալ ծերունի, որ յայտնի է իր երկարամեայ գործունէութեամբ

խաղաղութեան կազմակերպութիւններում — գրաւիչ պերճախօսութեամբ ուզում է, որ պահպանւի «Կրէտէ» խօսքը, բայց մի ուէ այնպիսի ձևով, որից չհետևէր թէ համաժողովը ձգտում է պարտաւորեցնել պետութիւններին բարելաւել հայերի դրութիւնը անպատճառ Կրէտէի սահմանադրութեան համաձայն:

Մի ուրիշ ճառախօս — շվեդացի պ. Վուարօլ — առաջարկում է ընդհանրացնել ճնշւած ազգերի հարցը և՛ ինկատի առնելով իռլանդական, ֆինլանդական, ալժիրական և ուրիշ խնդիրները, ընդունել այսպիսի մի որոշում.

«Համաժողովը ցաւում է, տեսնելով, որ զանազան կառավարութիւններ շարունակում են գործադրել ամօթալի ճնշումներ իրենց տիրապետութեան ենթարկւած ազգութիւնների վերաբերմամբ»:

Վերջապէս նախագահը փակում է վիճաբանութիւնները և սկսում է քննարկութիւն:

Քւէարկւում է նախ պ. Ռիզայի առաջարկը:

Մեր ժողովը (ծափահարութիւններ):

Ապա՝ Վուարօլի առաջարկը:

Մեր ժողովը:

Վերջումը՝ մասնաժողովի առաջարկը Դը-Ռօբերտի յաւելումով (բացի Կրէտէի օէինակը):

Ընդունւում է ահագին մեծամասնութեամբ:

Բուռն ծափահարութիւններ:

Խաղաղութեան համաժողովի որոշումները, որոնք հետեւեալ օրը հրատարակեցին ամբողջ մարդկութեան ուղղած մի կոչի ձևով, պէտք է անմիջապէս հաղորդէին ֆրանսիական արտաքին գործերի մինիստր Դէլկասէին, իսկ վերջինս իր կողմից այդ որոշումները պիտի ներկայացնէ եւրոպական բոլոր պետութիւններին:

Ն Ի Խ Ր Ա Տ Ի Ո Ւ Ի Թ Ի Ի Ն

ԱՐԵՒԵԼԵԱՆ ԲԻԻՐՈՆ ստացած է՝

Սկզբնակից 20 ռուբլի, Կ. Յ. Ս. Ա. 25, Խաչուրայ լծից 18 ռ. 10 կօպ, Արշալոյսից 10, Սկսնակից 20, Կոտորածից 20, Շան ըսողաքից 100, Սկսնակից 25՝ Լիդամէնը 238 ռ. 10 կօպ:

ՆԱԽԱՅԱՆԳՍՏԻ Կօմիտէն՝

Դուրիթ Բ.-ից (Քարազի Մ.-ի հարսանիքում հանգանակւած 7 ռ. 25 կօպ, Սպարապետի եւ Դուրիթ Բ.-ի միջոցով մեր թշնամուց 2 ռ., Գուրգէնից 50 կօպ, 2ՈՐԱՓՈՐԻ Զանչալներից 5 ռ., ԶՐԱՇԵՆԻ «Գրգուռ» խմբից 10 ռուբլի: Գումար 24 ռուբլի 75 կօպէկ:

ԱՊԱՍՏԻ Կօմիտէն՝

1899 թ. յուլիս-դեկտեմբեր ամիսներին՝ պատկերներից 10 ռուբլի: Նեցուկից 50, Նոյեմբեր 13-ից 21, 1900 թ. յունւար-յունիս ամիսներին՝ Միացողից 50, Օհանից պատկերներից համար 20, Թիփուց 10, Տիկին 10 Մանուկ 23. 50, Լոշալալա 90, Ոյժ 100, պատկերներից 20, կանանցից 50. 50, Գազանից 13 ռ.: Գումար 387 ռուբլի:

Ղ Ա Ր Ի Ր

ԱԶԱՏՈՒԹԵԱՆ ՃԱՆԱՊԱՐՀԻՆ

ՊԱՏԿԵՐՆԵՐ ՀԱՅ ՅԵՂԱՓՈԽԱԿԱՆ ԿԵԱՆՔԻՑ

(ԱՐՏԱՏՊԱԾ «ԴՐՕՇԱԿ»-ԴՑ)

Լոյս տեսաւ առաջին գրքոյկը: Դիմն է 50 սանդի, ճանապարհածախսով 60 սանդի: Դիմել՝

Rédaction du Droschak, Genève (Suisse)